

隋

書

九



志第二十二

隋書二十七

太尉揚州都督監後國更在國趙國公臣長孫無忌奉勅撰

百官中

後齊制官多循後魏置太師太傅太保是為三師擬車  
公非勲德崇者不居次有大司馬大將軍是為二大並典  
司武事次置太尉司徒司空是為三公三師二大三公府  
三門當中開黃閣設內屏各置長史司馬諮議參軍從事  
中郎掾屬主簿錄事功曹記室戶曹金曹中兵外兵騎兵  
長流城局刑獄等參軍事東西閣祭酒及參軍事法墨田  
水鎧集士等曹行參軍兼左戶右戶行參軍長兼行參軍

參軍督護等員司徒則如有左右長史三公下次有儀同  
三司加開府者亦置長史已下官屬而減記室倉城局田  
水鎧士等七曹各一人其品亦每官下三府一階三師二  
大置佐史則同太尉府乾明中又置丞相河清中分爲左  
右亦各置府僚云

特進左右光祿金紫銀青等光祿大夫用人俱以舊德就  
閑者居之自一品已下從九品已上又有驃騎車騎衛四  
征四鎮中軍鎮軍撫軍翊軍四安冠軍輔國龍驤鎮遠安  
遠建忠建節中堅中壘振威奮威廣德弘義折衝制勝伏  
波陵江輕車樓船勁武昭勇明威顯信度遼橫海踰岷越

嶂戎昭武毅雄烈恢猛揚麾曜鋒蕩邊開城靜漠綏戎平  
越殄夷飛騎隼擊武牙武奮清野橫野偏裨等將軍以褒  
賞勲庸

尚書省置令僕射吏部殿中祠部五兵都官度支等六尚  
書又有錄尚書一人位在令上掌與令同但不糾察令則  
彈糾見事與御史中丞更相廉察僕射職為執法置三則  
為左右僕射皆與令同左糾彈而右不糾彈錄令僕射總

理六尚書事謂之都省其屬官左丞掌吏部考功主爵殿  
中儀曹三公祠部主

客左右中兵左右外兵都官二千石度支左右戶十七  
曹并彈糾見事又主管轄臺中有違失者兼糾駮之右

丞各一人掌駕部虞曹屯田起部都兵比部水部膳部倉  
部金部庫部十一曹亦管轄臺中又主凡諸用

五十三  
卷三十三  
唐書卷三十三

度雜物脂燈筆墨幃帳  
唯不彈糾餘悉與左同  
并都令史八人共掌其事其六尚

書分統列曹吏部統吏部  
掌褒崇選考功  
掌考第及秀主

爵  
掌封爵三曹殿中統殿中  
掌駕行百官留守名帳官儀

曹  
掌吉凶三公  
掌五時讀時令諸曹囚帳駕部  
掌車輿牛

事  
四曹祠部統祠部  
掌祠部醫藥死主客  
掌諸蕃雜虞曹

掌地圖山川遠近園囿屯田  
掌藉田諸州起部  
掌諸興造

五曹日祠部無尚書則右僕射攝五兵統左中兵  
掌諸郡督

衛官右中兵  
掌畿內丁帳事左外兵  
掌河南及潼關已東

兵等右外兵  
掌河北及潼關已西都兵  
掌鼓吹太樂五曹

都官統都官  
掌畿內非二千石  
掌畿外得比部  
掌詔書律

事水部掌舟舡津梁膳部掌侍官百司禮五曹度支統度支掌計會凡

軍國損益事倉部掌諸倉帳出入等事左戶掌天下計帳右戶掌天

役糧廩等事金部掌權衡量度內外庫部掌凡是戎仗六曹

私田宅租凡二十八曹吏部三公郎中各二人餘並一人凡三十部

中吏部儀曹三公虞曹都官二千石比部左戶各量事置

掌故事主事負門下省掌獻納諫正及司進御之職侍中給

事黃門侍郎各六人錄事四人通事令史主事令史八人

統局六領左右局領左右各二人掌知朱華關內諸事宣

皆主左右直長四人尚食局典御二人總知御膳事丞監各四

人尚藥局典御及丞各二人總知御藥事侍御師尚藥監各四

人主衣局都統子統各二人掌御衣服齋帥局齋帥四人鑄

設洒掃事殿中局殿中監四人掌駕奏引行事制請

中書省管司王言及司進御之音樂監令各一人侍郎四

人并司伶官西涼部直長伶官西涼四部伶官龜茲四部

伶官清商部直長伶官清商四部又領舍人省掌署勅行

問中書舍人主書各十人

祕書省典司經籍監丞各一人郎中四人校書郎十二人

正字四人又領著作省郎二人佐郎八人校書郎二人

集書省掌諷議左右從容獻納散騎常侍通直散騎常侍

各六人諫議大夫七人散騎侍郎六人員外散騎常侍二

十人通直散騎侍郎六人給事中六人負外散騎侍郎一  
百二十人奉朝請二百四十人又領起居省散騎常侍通  
直散騎常侍散騎侍郎通直散騎侍郎各一人校書郎二  
合中侍中省掌出入門閣中侍中二人中常侍中給事中  
各四人又有中尚藥典御及丞并中謁者僕射各二人中  
尚食局典御丞各二人監四人內謁者局統丞各一人  
御史臺掌察糾彈劾中丞一人治書侍御史二人侍御史  
八人殿中侍御史檢校御史各十二人錄事四人領符節  
署令一人符璽郎中四人

都水臺管諸津橋使者二人參事十人又領都尉合昌坊



城等三局尉皆分司諸津橋

謁者臺掌凡諸吉凶公事導相禮儀事僕射二人謁者三

十人錄事一人

太常光祿衛尉宗正太僕大理鴻臚司農太府是為九寺

置卿少卿丞各一人各有功曹五官主簿錄事等員

太常掌陵廟群祀禮樂儀制天文術數衣冠之屬其屬官

有博士四人掌禮制協律郎二人掌監調律呂音樂八書博士二人等員統

諸陵掌守衛山陵等事太廟掌郊廟社稷等事太樂掌諸樂及行禮節奏等事衣冠掌冠

饋屬等事履之屬等事鼓吹掌百戲鼓吹樂人等事太祝掌郊廟贊祝祭社衣服等事太史掌

文地動風雲氣色律曆卜筮等事太醫掌醫藥廩犧掌養犧牲供祭羣祀等事太宰掌

神祀烹宰 行禮事 等署令丞而太廟兼領郊祠掌五郊 崇虛掌五岳四

瀆神祀在京及諸州道士簿帳等事 二局丞太樂兼領清商部丞掌清商音

鼓吹兼領黃戶局丞掌供樂人衣服 太史兼領靈臺掌天文 太卜

掌諸卜筮 二局丞光祿寺掌諸膳食帳幕器物宮殿門戶等事

統守宮掌凡張設等事 太官掌食膳事 宮門主諸門 供府掌供御衣服

肴藏掌器物 清漳主酒歲二萬石春秋中半 華林掌禁籩林木等事 等署宮

門署置僕射六人以司其事餘各有令丞又領東園局丞

負掌諸凶具

衛尉寺掌禁衛甲兵統城門寺置校尉二人以司其職掌

殿城門并諸倉庫管籥等事 又領公車掌尚書所不理有 武庫掌甲兵及吉函

儀仗衛士掌京城及諸門兵士等署令武庫又有脩故局丞掌領匠脩故甲等事

太宗正寺掌宗室屬籍統皇子王國諸王國諸長公主家

太僕寺掌諸車輦馬牛畜產之屬統驛馬掌御馬及諸鞍乘左右

龍左右牝掌駝馬駝牛掌駝驢牛司羊掌諸羊乘黃掌諸輦輅車府掌諸

雜車等署令丞驛驢署又有奉承直長二人左龍署有左龍

局右龍署有右龍局左牝署有左牝局右牝署有右牝局

駝牛署有典駝特牛牝牛三局司羊署有特羊牝羊局諸

局並有都尉寺又領司訟典腊出入等三局丞大理寺掌

決正刑獄正監評各一人律博士四人明灋掾二十四人

檻車督二人掾十人獄丞掾各二人司直明法各十人

鴻臚寺掌蕃安朝會吉帛祭統典客典寺司儀等署令丞  
典客署又有京邑薩甫二人諸州薩甫一人典寺署有僧  
祇部丞一人司儀署又有奉禮郎三十人

司農寺掌倉帑薪菜園池果實統平準太倉鈎盾典農導  
官梁州水次倉石濟水次倉藉田等署令丞而鈎盾又別  
領大園上林遊獵柴草池數首宿等六部丞典農署又別  
領山陽平頭督亢等三部丞導官署又有御細部麴麩部  
典庫部等倉督負

太府寺掌金帛府庫營造器物統左中右三尚方左藏司  
染諸冶東西道署蓄藏右藏細作左校甄官等署令丞左

尚方又別領局樂器器作三局丞中尚方又別領別局  
涇州絲局雍州絲局定州紬綾局四局丞右尚方又別領  
別局丞司染署又別領京坊河東信都三局丞諸冶  
東道又別領澄口武安白間三局丞諸冶西道又別  
領晉陽冶泉部大邠原仇四局丞甄官署又別領  
石窟丞

國子寺掌訓教胄子祭酒一人亦置功曹五官主簿錄事  
貲領博士五人助教十人學生七十二人太學博士十人  
助教二十人太學生二百人四門學博士二十人助教二  
十人學生三百人

長秋寺掌諸宮閣卿中尹各一人並用官者丞二人亦有功曹五官

主簿錄事負領中黃門掖庭晉陽宮中山宮園池中宮僕  
奚官等署令丞又有暴室局丞其中黃門又有冗從僕射  
及博士四人掖庭晉陽中山各有宮教博士二人中山署  
又別有麵豆局丞園池署又別有桑園部丞中宮僕  
署又別有乘黃局教尉細馬車都督車府部丞奚  
官署又別有染局丞

將作寺掌諸營建大匠一人丞四人亦有功曹主簿錄  
事負若有營作則立將副將長史司馬主簿錄事各  
一人又領軍主副幢主副等

昭玄寺掌諸佛教置大統一人統一人都維那三人亦置  
功曹主簿負以管諸州郡縣沙門曹

領軍府將軍一人掌禁衛官掖朱華閣外凡禁衛官皆主  
之輿駕出入督攝仗衛中領軍亦同有長史司馬功曹五  
官主簿錄事釐其府事又領左右衛領左右等府

左右衛府將軍各一人掌左右廂所主朱華閣以外各武  
衛將軍二人貳之皆有司馬功曹主簿錄事釐其府事其  
御仗屬官有御仗正副都督御仗五職御仗等負其直盪  
屬官有直盪正副都督直入正副都督勳武前鋒正副都  
督勳武前鋒五藏等負直衛屬官有直衛正副都督翊衛

正副都督前鋒正副都督等負直突屬官有直突都督勳武前鋒散都督等負直閣屬官有朱衣直閣直閣將軍直寢直齋直後之屬又有武騎雲騎將軍各人驍騎遊擊前後左右等四軍將軍左右中郎將各五人步兵越騎射聲屯騎長水等校尉奉車都尉等各十人武賁中郎將羽林監各十五人冗從僕射三十人騎都尉六十人積弩積射強弩等將軍及武騎常侍各三十五人殿中將軍五十人負外將軍一百人殿中司馬督五十人負外司馬督一百人

領左右府有領左右將軍領千牛備身又有左右備身



副都督左右備身五職左右備身負又有刀劔備身  
正副都督刀劔備身五職刀劔備身負又有備身  
正副督備身五職負

護軍府將軍一人掌四中閔津輿駕出則護駕中護軍亦  
同有長史司馬功曹五官主簿錄事釐其府事其屬官東  
西南北中府皆統之四府各中郎將一人長史司馬錄事  
參軍統府錄事各一人又有統府直兵及功曹倉曹中  
兵外兵騎兵長流城局等參軍各一人法田鎧等曹  
行參軍各一人又領諸閔尉津尉

行臺在令無文其官置令僕射其尚書丞郎皆隨權制而置負焉其彙詳

太子太師太傅太保是為三師掌師範訓道輔翊皇太子  
少師少傅少保是為三少各一人掌奉皇太子以觀三師  
之德出則三師在前三少在後

詹事總東宮內外衆務事無大小皆統之府置丞功曹五  
官主簿錄事負領家令率更令僕等三寺左右衛二坊三  
寺各置丞二坊各置司馬俱有功曹主簿以承其事

家令領食官典倉司藏等署令丞又領內坊令丞

掌知閣內諸事

其食官又別領器局酒局二丞典倉又別領園丞司藏又  
別領仗庫典作二局丞率更領中盾署令丞各一人

掌周衛禁

防漏刻  
鐘鼓

僕寺領廐牧署令丞署又別有車輿局丞

左右衛坊率各領騎官備身正副都督騎官備身五職騎  
官備身貳又有內直備身正副都督內直備身五職內直  
備身貳又有備身正副都督備身五職貳又有直閣直  
前直後貳又有旅騎屯衛典軍等校尉各二人騎尉三十人  
門下坊中庶子中舍人通事守舍人主事守舍人各四人  
又領殿內典膳藥藏齋帥等局殿內局有內直監二人副  
直監四人典膳藥藏局監丞各二人藥藏又有侍鑿四人  
齋帥局齋帥內閣帥各二人典書坊庶子四人舍人二十  
人又領典經坊洗馬八人守舍人二人門大夫坊門大夫

主簿各一人并統伶官西涼二部伶官清商一部

自諸省臺府寺各因其繁簡而置吏有令史書令史書吏之屬又各置曹兵以共其役其負因繁簡而立其餘主司專其事者各因事立名條流甚衆不可得而具也

王位列大司馬上非親王則位在三公下置師一人餘官大抵與梁制

不異其封內之調盡以入臺三分食一公己下四分食

。皇子王國置郎中令大農中尉常侍各一人侍郎二人上中

下三將軍各一人上中大夫各二人防閣四人典書典祠學官典

衛等令各一人齋帥四人食官廐牧長各一人典醫丞二人典府丞

執書二人謁者四人舍人十人等負諸王國則加有陵長廟

人

長常侍各一人而無中將軍負上中大夫各減一人諸公

又減諸王防閣齋帥典鑿丞等負諸侯伯子男國又減諸

公國將軍大夫負諸公主則置家令丞主簿錄事等負

司州置牧屬官有別駕從事史治中從事史州都主簿西

曹書佐記室戶曹功曹金曹租曹兵曹騎曹都官法曹部

郡等從事負主簿置史西曹又領西東市署令丞及統清

都郡諸畿郡

清都郡置尹丞中正功曹主簿督郵五官門下掾錄事

主記議生及功曹記室戶田金租兵騎賊法等曹掾

中部掾等負

鄴臨漳成安三縣令各置丞中正功曹主簿門下督錄事  
主記議及功曹記室戶田金租兵騎賊法等曹掾負鄴又  
領右部南部西部三尉又領十二行經途尉凡一百三十  
五里里置正臨漳又領左部東部二尉左部管九行經途  
尉凡一百一十四里里置正成安又領後部北部二尉後  
部管十一行經途尉七十四里里置正清都郡諸縣令已  
下官員悉與上上縣同諸畿郡太守已下悉與上上郡同  
○上上州刺史置府屬官有長史司馬錄事功曹倉曹中  
兵等參軍事及掾史主簿及掾記室掾史外兵騎兵長流  
城局刑獄等參軍事及掾史參軍事及法墨田鎧集士等

曹行參軍及掾史右戶掾史行參軍長兼行參軍督護統  
府錄事統府直兵箱錄事等員州屬官有別駕從事史治  
中從事史州都光迎主簿主簿西曹書佐市令及史祭酒  
從事史部郡從事卓服從事典籤及史門下督省事都錄  
事及史箱錄事及史朝直刺姦記室掾戶曹田曹金曹租  
曹兵曹左戶等掾史等員

上上州府州屬官佐史合三百九十三人上中州減上上  
州十人上下州減上中州十人中上州減上下州五十一  
人中中州減中上州十人中下州減中中州十人下上州  
減中下州五十人下中州減下上州十人下下州減下中

州十人

上上郡太守屬官有丞中正光迎功曹光迎主簿功曹主簿五官省事錄事及西曹戶曹金曹租曹兵曹集曹等掾佐太學博士助教太學生市長倉督等負合屬官佐史二百一十二人上中郡減上上郡五人上下郡減上中郡五人中上郡減上下郡四十五人中中郡減中上郡五人中下郡減中中郡五人下上郡減中下郡四十人下中郡減下上郡二人下下郡減下中郡二人

上上縣令屬官有丞中正光迎功曹光迎主簿功曹主簿錄事及西曹戶曹金曹租曹兵曹等掾市長等負合屬官



堯  
佐史五十四人上中縣減上上縣五人上下縣減上中縣  
五人中上縣減上下縣六人中中縣減中上縣五人中下  
縣減中中縣一人上下上縣減中下縣一人下中縣減下上  
縣一人下下縣減下中縣一人

自州郡縣各因其大小置白直以供其役

三等諸鎮置鎮將副將長史錄事參軍倉曹中兵長流城  
局等參軍事鎧曹行參軍市長倉督等員

三等戍置戍主副掾隊主副等員

官一品每歲祿八百匹二百匹爲一秩從一品七百匹一  
百七十五匹爲一秩

二品六百匹一百五十四匹爲一秩從二品五百匹一百二十五匹爲一秩

三品四百匹一百匹爲一秩從三品三百匹七十五匹爲一秩

四品二百四十四匹六十匹爲一秩從四品二百匹五十四匹爲一秩

五品一百六十四匹四十四匹爲一秩從五品一百二十四匹三十匹爲一秩

六品一百匹二十五匹爲一秩從六品八十四匹二十四匹爲一秩

七品六十四匹十五匹爲一秩從七品四十四匹十疋爲一秩  
○八品三十六匹九匹爲一秩從八品三十二匹八匹爲  
一秩

九品二十八匹七匹爲一秩從九品二十四匹六匹爲一  
秩

祿率一分以帛一分以粟一分以錢事繁者優一秩  
平者守本秩閑者降一秩長兼試守者亦降一秩  
官非執事不朝拜者皆不給祿又自一品已下至  
於流外勲品各給事力一品至三十人下至於  
流外勲品或以五人爲等或以四人三人二人

一人爲等繁者加一等平者守本力閑者降一等焉

州郡縣制祿之法刺史守令下車各前取一時之秩

上上州刺史歲秩八百匹與司州牧同上中上下各以五十匹爲差中上降上下一百匹中中及中下亦以五十匹爲差下上降中下一百匹下中下下亦各以五十匹爲差  
○上郡太守歲秩五百匹降清都尹五十匹上中上下各以五十匹爲差中上降上下四十四匹中中及中下各以三十四匹爲差下上降中下四十四匹下中下下各以二十四匹爲差

上上縣歲秩二百五十匹與鄴臨漳成安三縣同上中上

下各以十匹爲差中上降上下三十匹中中及中下各以  
五匹爲差下上降中下二十四匹下中下下各以十匹爲差  
○州自長史已下逮于史吏郡縣自丞已下逮于掾佐亦  
皆以帛爲秩郡有尉者尉減丞之半皆以其所出常調課  
之其鎮將戍主軍主副幢主副逮于掾史亦各有差矣  
諸州刺史守令已下幹及力皆聽敕乃給其幹出所部之  
人一幹輸絹十八匹幹身放之力則以其州郡縣白直充

○三師王二大

大司馬  
大將軍

三公爲第一品

開府儀同三司開國郡公爲從一品

儀同三司太子三師特進尚書令驃騎車騎將軍

二將軍  
加大者

在開國郡公下衛將軍加大者在太子太師上四征將軍加大者次左右光

祿大夫散郡公開國縣公為第二品

尚書僕射置二左中書監加大者四鎮次四征中鎮撫軍將軍三

軍武職罷領軍加大者在尚書令下護軍翊軍將軍金紫光祿大夫

散縣公開國縣侯為從二品

吏部尚書四安將軍中領護太常光祿衛尉卿太子三少

中書令太子詹事侍中列曹尚書四平將軍太宗正大僕

大理鴻臚司農太府卿清都尹三等上州刺史左右衛將

軍祕書監銀青光祿大夫散縣侯開國縣伯為第三品

散騎常侍三等中州刺史司徒左長史四方中郎將四護

匈奴羗戎  
夷蠻越

中郎將國子祭酒御史中丞中侍中長秋卿將  
作大匠冠軍將軍太尉長史領左右將軍武衛將軍太子  
左右衛率輔國將軍四護校尉太中大夫龍驤將軍三等  
上郡太守散縣伯為從第三品

鎮遠安遠將軍太常光祿衛尉少卿尚書吏部郎中給事  
黃門侍郎太子中庶子司徒右長史司空長史太宗正太  
僕大理鴻臚司農太府少卿三公府司馬中常侍中尹城  
門校尉武騎雲騎驍騎遊擊將軍上階建忠建節將軍通  
直散騎常侍諸開府長史中大夫三等下州刺史三等鎮  
將諸開府司馬開國縣子為第四品

中堅中壘將軍尚書左丞三公府諮議參軍事司州別駕  
從事史三等上州長史太子三卿前左右後軍將軍中書  
侍郎太子庶子三等中郡太守左右備身刀劍備身備身  
衛仗直盪等正都督三等上州司馬已前階振威奮武將軍  
諫議大夫尚書右丞諸開府諮議參軍司州治中從事史  
左右中郎將步兵越騎射聲屯騎長水校尉朱衣直閤直  
閤將軍太子騎官備身內直備身等正都督三等鎮副將  
散縣子爲從第四品

廣德弘義將軍太子備身直入直衛等正都督領左右三  
等中州長史三公府從事中郎祕書丞皇子友國子博士



散騎侍郎太子中舍人負外散騎常侍三等中州司馬前已

階折衝制勝將軍主衣都統尚食尚藥二典御太子旅騎

屯衛典軍校尉領護府長史司馬諸開府從事中郎開國

縣男為第五品

伏波陵江將軍三等下州長史三公府掾屬著作郎通直

散騎侍郎太子洗馬左右備身劔備身御使真塗等副都督左

右直長中尚食中尚藥典御二等下州司馬已前輕車樓船

將軍駙馬都尉翊衛正都督直寢直齋奉車都尉都水使

者諸開府掾屬崇聖歸義歸正歸命歸德侯清都郡丞

治書侍御史鄴臨漳成安三縣令中給事中三等下郡太守

大理司直太子直閣二衛隊主太子騎官內直備身副都督開國鄉男散縣男爲從第五品

勁武昭勇將軍尚書諸曹郎中中書舍人三公府主簿三等上州別駕從事史四中府三等鎮守長史三公府錄事參軍事皇子郎中令三公府功曹記室戶倉中兵參軍事皇子文學謁者僕射已前明威顯信將軍太子備身副都督四中府司馬武貴中郎將羽林監冗從僕射直入副都督千牛備身大理正監評侍御師諸開府錄事功曹記室倉中兵等曹參軍事三等上州錄事參軍事治中從事史三等上郡丞三等上縣令太子內直監平準署令爲第六

品。度遼橫海將軍直突都督三等中州別駕從事史三  
公府列曹參軍事給事中太子門大夫三等上州功倉中  
兵等參軍事皇太子大農騎都尉直後符璽郎中三等中州  
錄事參軍事已前階踰岷越嶂將軍直衛副都督三等中州  
從事史諸開府主簿列曹參軍事三等中州功倉中兵等  
參軍事太子舍人三寺丞太子直前太子副直監太子諸  
隊主為從第六品

戎昭武毅將軍勳武前鋒正都督三公府東西閣祭酒三  
等下州別駕從事史三等上州府主簿列曹參軍事三等  
下州錄事參軍事四中府錄事參軍事王公國郎中令積

弩積射將軍負外散騎侍郎皇子中尉三公府參軍事列

曹行參軍比前雄烈恢猛將軍翊衛副都督諸開府東西

閣祭酒參軍事列曹行參軍三等下州功倉中兵參軍事

四中府功倉中兵參軍事三等中州府主簿列曹參軍事

二衛府司馬詹事府丞左右備身五職三等鎮錄事參軍

事六寺丞祕書郎中著作佐郎太子侍醫太子騎尉太子

騎官備身五職三等中郡丞三等中縣令為第七品

楊麾曜鋒將軍勳武前鋒副都督強弩將軍三公府行參

軍三等上州參軍事列曹行參軍三等下州府主簿列曹

參軍事四中府列曹參軍事王公國大農長秋將作寺丞太

子二率坊司馬三等鎮倉中兵參軍事比前蕩邊開域將

軍勳武前鋒散都督太學博士皇子常侍太常博士武騎

常侍左右備身刀劍備身五職都將別統軍主幢主三等中州參軍

事列曹行參軍諸開府行參軍奉朝請國子助教公車京

邑二市署令三等鎮列曹參軍事三縣丞侍御史尚食尚

藥丞齋帥中尚食中尚藥丞太子直後二衛隊副前鋒正

都督太子騎官備身太子內直備身五職已見前諸戍主軍

主為從第七品

靜漠綏戎將軍協律郎三等上州行參軍三等下州參軍

事列曹參軍事四中府列曹行參軍侯伯國郎中令殿中

將軍皇子侍郎已前平越殄夷將軍刀劍備身五職已見前

前鋒副都督太子內直備身主書殿中侍御史太子典膳

藥藏丞太子齋帥三等中州行參軍王公國中尉三等鎮

鎧曹行參軍二等下郡丞三等下縣令為第八品

飛騎隼擊將軍三公府長兼左右戶行參軍長兼行參軍

門下錄事尚書都令史檢校御史諸署令諸開府典籤中

謁者僕射中黃門冗從僕射已前武牙武奮將軍備身御

仗五職宮門署僕射太子備身五職侯伯國太農皇子上

中下將軍皇子上中大夫王公國常侍諸開府長兼左右

戶行參軍諸開府長兼行參軍負外將軍勳武前鋒五職

司州及三等上州典籤太子諸隊副諸戍諸軍副清都郡丞爲從第八品

清野將軍子男國郎中令諸署內謁者局統三等上州長兼行參軍中黃門太子內坊令公主家令皇子防閣典書令四門博士大理律博士校書郎三公府參軍督護都水參軍事七部尉諸郡尉比隴橫野將軍王公國侍郎侯伯國中尉謁者太子三寺丞諸開府參軍督護殿中司馬督御仗太子食官中省典倉等令太子備身平準公車丞三等中州典籤爲第九品

偏將軍諸宮教博士太子司藏廐牧令太子校書諸署別

局都尉諸尉諸關津尉三等上州參軍督護三等中州長  
兼行參軍祕書省正字皇太子三令王公國上中下將軍  
及上中大夫諸署令諸縣丞上勳裨將軍領軍護軍府太  
常光祿衛尉寺詹事府等功曹五官奉禮郎子男國太農  
小黃門負外司馬督太學助教諸幢主遙途尉中侍中省  
錄事三等下州典籤尚書門下中書等省監師為從第九  
品

流內比視官十三等第一領人酋長視從第三品第一不  
領人酋長視第四品第二領人酋長第一領人庶長視從  
第四品諸州大中正第二不領人酋長第一不領人庶長



視第五品諸州中正畿郡邑中正第三領人酋長第二領人庶長視從第五品第三不領人酋長第二不領人庶長視第六品第三領人庶長視從第六品第三不領人庶長視第七品司州州都主簿國子學生視從第七品諸州州都督簿司州西曹書佐清都郡中正功曹視第八品司州列曹從事諸州西曹書佐諸郡中正功曹清都郡主簿視從第八品司州部郡從事諸州祭酒從事史視第九品諸州部郡從事司州守從事諸郡主簿司州武猛從事視從第九品

周太祖初據關內官名未改魏號及方隅粗定改創章程

命尚書令盧辯凌師周之建職置三公三孤以爲論道之  
官次置六卿以分司庶務其所制班序

內命

謂王朝之臣

三公九命三孤八命六卿七命上大夫六命

中大夫五命下大夫四命上士三命中士再命下士一命

外命

謂諸侯及其臣

諸公九命諸侯八命諸伯七命諸子六命諸

男五命諸公之孤卿四命侯之孤卿公之大夫三命子男

之孤卿侯伯之大夫公之上士再命子男之大夫公之中

士侯伯之上士一命公之下士侯伯之中士下士子男之

士不命其制祿秩下士二百二十五石中士已上至於上

大夫各倍之上大夫是爲四千石卿二分孤三分公四分

隋書二十七  
各益其一公因盈數爲一萬石其九秩一百二十石八秩  
至於七秩每二秩六分而下各去其二二秩俱爲四十石  
凡頒祿視年之上下畝至四金爲上年上年頒其正三金  
爲中年中年頒其半二金爲下年下年頒其一無年爲凶  
荒不頒祿六官所制如此制度既畢太祖以魏恭帝三年  
始命行之所設官名訖於周末多有改更並具盧傳不復  
重序云

志第二十三

隋書二十八

太尉揚州都督監修國史柱國趙國公臣長孫無等奉勅撰

百官下

高祖既受命改周之六官其所制名多依前代之法置三師三公及尚書門下內史祕書內侍等省御史都水等臺太常光祿衛尉宗正太僕大理鴻臚司農太府國子將作等寺左右衛左右武衛左右武侯左右領左右監門左右領軍等府分司統職焉

三師不主事不置府僚蓋與天子坐而論道者也

三公參議國之大事依後齊置府僚無其人則闕祭祀則

三子方  
附言卷之三  
太尉亞獻司徒奉俎司空行掃除其位多曠皆攝行事尋  
省府及僚佐置公則坐於尚書都省朝之衆務摠歸於臺  
閣

尚書省事無不摠置令左右僕射各一人摠吏部禮部兵  
部都官度支工部等六曹事是爲八座屬官左右丞各一  
人都事八人分司管轄吏部尚書統吏部侍郎二人主爵  
侍郎一人司勳侍郎二人考功侍郎一人禮部尚書統禮  
部祠部侍郎各一人主客膳部侍郎各二人兵部尚書統  
兵部職方侍郎各二人駕部庫部侍郎各一人都官尚書  
統都官侍郎二人刑部比部侍郎各一人司門侍郎二人

度支尚書統度支部侍郎各二人金部倉部侍郎各一人  
工部尚書統工部屯田侍郎各二人虞部水部侍郎各  
一人凡三十六侍郎分司曹務直宿禁省如漢之制

門下省納言二人給事黃門侍郎四人錄事通事令史各  
六人又有散騎常侍通直散騎常侍各四人諫議大夫七  
人散騎侍郎四人員外散騎常侍六人通直散騎侍郎四  
人並掌部從朝直又有給事二十人員外散騎侍郎二十  
人奉朝請四十人並掌同散騎常侍等兼出使勞問統城  
門尚食尚藥符璽御府殿內等六局城門局校尉二人直  
長四人尚食局典御二人直長四人食鑿四人尚藥局典

御二人侍御醫直長各四人醫師四十人符璽御府殿內  
局監各二人直長各四人

內史省置監令各一人尋廢監置令二人侍郎四人舍人  
八人通事舍人十六人主書十人錄事四人

祕書省監丞各一人郎四人校書郎十二人正字四人錄  
事二人領著作太史二曹著作曹置郎二人佐郎八人校  
書郎正字各二人太史曹置令丞各二人司曆二人監候  
四人其曆天文漏刻視祿各有博士及生員

內侍省內侍內常侍各二人內給事四人內謁者監六人  
內寺伯二人內謁者十二人寺人六人伺非八人並用宦

者領內尚食掖庭宮闈奚官內世医內府等局

尚食置典御及丞各二人

餘各置令丞皆二人其宮闈內世医則加置丞各一人掖庭又有宮教博士二人

御史臺大夫一人治書侍御史二人侍御史八人殿內侍

御史監察御史各十二人錄事二人後魏延昌中王顯有

寵於宣武爲御史中尉請革選御史此後踵其事每一中

尉則更置御史自開皇後始自吏部選用仍依舊入直禁

中

都水臺使者及丞各二人參軍三十人河堤謁者六十人

錄事二人領掌船局都水尉二人又領諸津上津每尉一

人丞二人中津每尉丞各一人下津每典祿一人津長四



人

太常光祿衛尉宗正太僕大理鴻臚司農太府等九寺並

置卿少卿各一人太僕尋加少卿一人各置丞太常衛尉宗正大理鴻臚將作二人光祿

太僕各三人司農五人太府六人主簿太府四人餘寺各二人錄事各二人光祿則

太府則等負各四人

太常寺又有博士四人協律郎二人奉禮郎十六人統郊

社太廟諸陵太祝衣冠太樂清商鼓吹太醫太上廡犧等

署各置令並一人太樂六醫丞各一人郊社太樂郊社署

又有典瑞人太祝署有太祝人太樂署清商署各有樂師

負太樂八人清商二人鼓吹署有哄師人太醫署有主藥人醫師百

人藥園師二人醫博士二人助教二人按摩博士二人祝禁博士二人

等負太卜署有卜師二十人相師十人男覲十六人女巫八人太卜

博士助教各二人相博士助教各一人等負

光祿寺統太官看藏良醞掌醞等署各置令太官三人看藏良醞各二人

人掌醞一人丞太官八人看藏掌醞各二人良醞四人太官又有監膳十二人良醞

有掌醞五十人掌醞有掌醞十人等負

衛尉寺統公車武庫守宮等署各置令公車一人武庫一人守宮各二人丞

公車一人武庫二人等負宗正寺不統署

太僕寺又有獸醫博士十人統驂駟乘黃龍廐車府

典牧牛羊等署各置令二人乘黃車府一人丞二人乘黃則一人典牧牛羊則

各三等負

大理寺不統署又有正監評各一司直十律博士八明法

二十獄掾八

鴻臚寺統典客司儀崇玄三署各置令二人崇玄則惟置一人典客

署又有掌客人司儀有掌儀二十等負

司農寺統太倉典農平準廩市鈎盾華林上林導官等署

各置令二人鈎盾上林則加至三人華林惟置一人太倉又有米廩督二穀倉

督四鹽倉督二京市有肆長四十導官有御細倉督二麩

麩倉督二等負

太府寺統左藏左尚方內尚方右尚方司染右藏黃藏掌

治甄官等署各置令二人左右尚方則加至丞四人左右尚

尚則六人黃藏則一人

國子寺元隸太常祭酒一人屬官有主簿錄事各一人統國子太學

四門書筭學各置博士國子太學四門各五人書筭各二人助教國子太學四門各五

人書筭各二人學生國子一百四十人太學四門各三百六十人書四十八人筭八十八人等負

將作寺一人丞主簿錄事各二人統左右校署令各二人丞

左校四人右校三人各有監作左校十二人右校八人等負

左右衛左右武衛左右武侯各大將軍一人將軍二人並有長

史司馬錄事功倉兵騎等曹參軍法曹鎧曹行參軍各一人

行參軍左右衛左右武侯各六人左右武衛各八人等負

左右衛掌宮掖禁御督攝仗衛又各有直閣將軍六直寢

十二直齋直後各十人並掌宿衛侍從奉車都尉六掌馭副

車武騎常侍十人殿內將軍十五員外將軍三十殿內司馬

督二十員外司馬督四十並以參軍府朝出使勞問左右

衛又各統親衛置開府左勳衛開府左翊一開府二開府三開府四開府及武衛武候領軍

東宮領兵府置開府一有長史司馬錄事及倉兵等曹參

軍法曹行參軍各一人行參軍三人又有儀同府武衛武候領

儀同皆儀同已下置員同開府但無行參軍員諸府皆領

軍坊每坊東宮軍坊准此置坊主人一人佐二人每鄉團東宮鄉團准此置團主

一人佐二人左右武衛府無直閣已下員但領外軍宿衛

左右武侯掌車駕出先驅後殿晝夜巡察執捕姦非烽候

道路水草所置巡狩師田則掌其營禁右加置司辰師四人

漏刻生一百一十人

左右領左右府各大將軍一人將軍二人掌侍衛左右供御兵

仗領千牛備身十二人掌執千牛刀備身左右十二人掌供御

弓箭備身六十人掌宿衛侍從各置長史司馬錄事及倉兵

二曹參軍事鎧曹行參軍各一人等負

左右監門府各將軍一人掌宮殿門禁及守衛事各置郎將

二校尉直長各三人長史司馬錄事及倉兵曹參軍鎧曹行

參軍各一人行參軍四人等負

左右領軍府各掌十二軍籍帳差科辭訟之事不置將軍

唯有長史司馬掾屬及錄事功倉戶騎兵等曹參軍法鎧

等曹行參軍各一行參軍十六人等負又置明法四隸於法

司掌律令輕重

行臺省則有尚書令僕射左右兵部兼吏部禮部度支兼都官工部

尚書及丞左右各一人都事四人有考功兼吏部爵禮部

兼祠部主客膳部兵部兼職方駕部庫部刑部兼都官司門度支兼倉

戶部兼比金部工部屯田兼水部虞部侍郎各一人每行臺置

食貨農圃武器百工監副監各一人各置丞食貨四人農圃六人武器

二人百工錄事食貨農圃百工各等負二人武器一人

太子置太師太傅太保少師少傅少保闕王初置詹事二年定令罷之

門下坊置左庶子二人內舍人四人錄事二人主事令史四人統司經宮門內直典膳藥藏齋帥等六局司經置洗馬四人校書六人正字二人宮門置大夫二人內直置監副監各二人監殿舍人四人典膳藥藏並置監丞各二人藥藏又有侍鑿四人齋帥置四人

典書坊右庶子二人舍人通事舍人各八人錄事二人主事令史四人內坊典內及丞各二人丞直四人錄事一人內廐置尉二人掌內車輿之事



家令掌刑法食膳倉庫什物奴婢等事率更令掌伎樂漏刻僕掌宗族親疎車輿騎乘各

一人三寺各置丞家令二人錄事家令二人家令領食官寺各一人

典倉司藏三署令各一人丞食官二人典倉三人僕寺領廐牧令

一人負

左右衛各置率一人副率二人掌宮中禁衛各置長史司

馬及錄事功倉兵騎兵等曹參軍事法曹鎧曹行參軍各

一人行參軍四負又各有直閣四人直寢八人直齋直後

各十人

左右宗衛制官如左右衛各掌以宗人侍衛加置行參軍

二人而無直閣直寢直齋直後等負

左右虞候各置開府一人掌序候伺非長史已下如左右衛而無錄事參軍貲減行參軍一人

左右內率副率各一人掌領備身已上禁內侍衛供奉兵仗又無功騎兵法等曹及行參軍貲餘與虞候同有千牛備身八人掌執千牛刀備身左右八人掌供奉弓箭備身二十人掌宿衛侍從

左右監門各率一人副率二人掌諸門禁長史已下同內率府而各有直長十人

高祖又採後周之制置上柱國柱國上大將軍大將軍上開府儀同三司開府儀同三司上儀同三司儀同三司大

都督帥都督都督揔十一等以酬勤勞又有特進左右光祿大夫金紫光祿大夫銀青光祿大夫朝議大夫朝散大夫並為散官以加文武官之德聲者並不理事六品已下又有翊軍等四十三號將軍品凡十六等為散號將軍以加汎授居曹有職務者為執事官無職務者為散官戎上柱國已下為散實官軍為散號官諸省及左右衛武侯領左右監門府為內官自餘為外官

國王郡王國公郡公縣公侯伯子男凡九等皇伯叔昆弟

皇子為親王置師友各二人文學二人

嗣王則無師友

長史司馬

諮議參軍事掾屬各一人主簿二人錄事功曹記室戶倉

兵等曹騎兵城局等參軍事東西閣祭酒各一人參軍事  
四人法田水鎧士等曹行參軍各一人行參軍六人長兼  
行參軍八人典籤二人

上柱國嗣王郡王無主簿錄事參軍東西閣祭酒長兼行  
參軍等員而加參軍事爲五人行參軍爲十二人柱國又  
無騎兵參軍事水曹行參軍等員而減參軍事行參軍各  
一人上大將軍又無諮議參軍事田曹鎧曹行參軍員又  
減行參軍一人大將軍又無掾屬員又減參軍事二人上  
開府又無法曹士曹行參軍參軍事員開府又無典籤員  
減行參軍二人上儀同又無功曹城局參軍事員又減行

參軍二人儀同又無倉曹員減行參軍三人

三師三公置府佐與柱國同若上柱國任三師三公唯從上柱國置王公已下三品已上又並有親信帳內各隨品高卑而制員

諸王置國官有令太農各一人尉各二人典衛各八人常侍各二人侍郎各四人廟長學官長各一人食官廐牧長丞各一人典府長丞各一人舍人各四人等員上柱國柱國公減典衛二人無侍郎員侯伯又減典衛二人食官廐牧長各一人子男又減尉典衛常侍舍人各一人上大將軍大將軍公同柱國子男其侯伯減公典衛侍郎廐牧丞

各一人子男無令無典衛又減舍一人上開府開府公  
同大將軍子男其侯伯又無常侍無食官廐牧丞子男又  
無侍郎廐牧長上儀同儀同公同開府子男其侯伯又無  
尉無學官長子男又無廐長食官長二王後置國官與諸  
王同郡王與上柱國公同國公無上開府已上官者上開  
府公同散郡公與儀同侯伯同散縣公與儀同子男同大  
長公主長公主公主並置家令丞各一人主簿謁者舍人  
各二人等負郡主唯減主簿負

雍州置牧屬官有別駕替務州都郡正主簿錄事西曹書  
佐金戶兵法士等曹從事部郡從事武猛從事等負并佐

史合五百二十四人

京兆郡置尹丞正功曹主簿金戶兵法士等曹佐等負并  
佐史合二百四十四人

大興長安縣置令丞正功曹主簿西曹金戶兵法士曹等  
負并佐史合一百四十七人

上上州置刺史長史司馬錄事參軍事功曹戶兵等曹參  
軍事法士曹等行參軍行參軍典籤州都光初主簿郡正  
主簿西曹書佐祭酒從事部郡從事倉督市令丞等負并  
佐史合三百二十三人

上中州減上州吏屬十二人

上下州減上中州十六人

中上州減上下州二十九人

中中州減中上州二十人

中下州減中中州二十人

下上州減中下州三十二人

下中州減下上州十五人

下下州減下中州十二人

郡置太守丞尉正光初功曹光初主簿縣正功曹主簿西  
曹金戶兵法士等曹帑令等員并佐史合一百四十六人  
上中郡減上上郡吏屬五人



上下郡減上中郡四人

中上郡減上下郡十九人

中中郡減中上郡六人

中下郡減中中郡五人

下上郡減中下郡十九人

下中郡減下上郡五人

下下郡減下中郡六人

縣置令丞尉正光初功曹光初主簿功曹主簿西曹金戶  
兵法士等曹佐及市令等員合九十九人

上中縣減上上縣吏屬四人

上下縣減上中縣五人

中上縣減上下縣十人

中中縣減中上縣五人

中下縣減中中縣五人

下上縣減中下縣十二人

下中縣減下上縣六人

下下縣減下中縣五人

州置摠管者列爲上中下三等摠管刺史加使持節

鎮置將副戍置主副關置令丞其制官屬各立三等之差

同州摠監副監各一人置二丞統食貨農圃二監副監岐

州亦置監副監諸冶亦置三等監各有丞員

鹽池置總監副監丞等員管東西南北面等四監亦各置副監及丞隴右牧置總監副監丞以統諸牧其驊騮牧及二十四軍馬牧每牧置儀同及尉大都督帥都督等員驢牛騾牧置帥都督及尉原州羊牧置大都督并尉原州駝牛牧置尉又有皮毛監副監及丞錄事又鹽州牧監置監及副監置丞統諸羊牧牧置尉苑川十二馬牧每牧置大都督及尉各一人帥都督二人沙苑羊牧置尉二人緣邊交市監及諸屯監每監置監副監各一人畿內者隸司農自

外隸諸州焉

五嶽各置令又有吳山令以供其洒掃

三師王三公爲正一品

上柱國郡王國公開國郡縣公爲從一品

柱國太子三師特進尚書令左右光祿大夫開國侯爲正  
二品

上大將軍尚書左右僕射雍州牧金紫光祿大夫爲從二  
品

大將軍吏部尚書太常光祿衛尉等三卿太子三少納言  
內史令左右衛左右武衛左右武侯領左右等大將軍禮  
部兵部都官度支工部尚書宗正太僕大理鴻臚司農太

三六十五  
府等六卿上州刺史京兆尹祕書監銀青光祿大夫開國  
伯爲正三品

上開府儀同三司散騎常侍左右衛武衛武侯領左右監  
門等將軍國子祭酒御史大夫將作大匠中州刺史親王  
師朝議大夫爲從三品

驃騎將軍開府儀同三司太常光祿衛尉等三少卿太子  
左右衛宗衛內等率尚書吏部侍郎給事黃門侍郎太子  
左庶子宗正太僕大理鴻臚司農太府等少卿下州刺史  
已前  
上階  
內史侍郎太子右庶子通直散騎常侍左右監門郎  
將朝散大夫開國子爲正四品

上儀同三司尚書左丞太子左右衛宗衛內等副率左右  
監門率上郡太守雍州別駕親王府長史太子家令率更  
令僕內侍城門校尉已前上階尚書右丞上鎮將軍雍州替務  
直閤將軍親王府司馬諫議大夫為從四品

車騎將軍儀同三司內常侍祕書丞國子博士散騎侍郎  
太子內舍人太子左右監門副率負外散騎常侍上州長  
史親王府諮議參軍事開國男已前上階尚食尚藥典御上州  
司馬為正五品

著作郎通直散騎侍郎中郡太守直寢太子洗馬中州長  
史奉車都尉已前上階都水使者治書侍御史大興長安令大

理司直直齋太子直閣京兆郡丞中州司馬中鎮將上鎮

副內給事駙馬都尉親王友貞外散騎侍郎為從五品

翊軍翊師將軍尚書諸曹侍郎內史舍人下郡太守大都

督親王府掾屬下州長史上階四征將軍征東征南征西征北三將

軍內軍鎮軍撫軍大理正監評子牛備身左右左右監門校尉內

尚食典御符璽監御府監殿內監太子內直監下州司馬

下鎮將中鎮副為正六品

四平將軍平東平南平西平北四將軍前軍後軍左軍右軍通事舍人親王文

學帥都督左右領軍府長史太子直寢親王府主簿親王

府錄事參軍事太子門大夫給事中縣令上階冠軍輔國

二將軍太子舍人直後三寺丞親王府功曹記室倉庫曹  
參軍事城門直長太子直齋太子副直監太子典內左右  
領軍府司馬下鎮副爲從六品

鎮遠安遠二將軍貞外散騎侍郎御醫左右衛武衛武侯

領左右等府長史親衛親王府諸曹參軍事

已前上階建威寧

朔二將軍六寺丞祕書郎著作佐郎太子千牛備身太子

備身左右尚食尚藥左右監門等直長太子通事舍人左

右衛武衛武侯領左右等府司馬都督太子典膳藥藏等

監太子齋帥上戍主爲正七品

寧遠振威二將軍左右監門府長史太子左右衛宗衛等



率左右虞候左右內率等府長史符璽御府殿內等直長  
上州錄事參軍事左右領軍府掾屬親王府東西閣祭酒  
中縣令上郡丞太子親衛將作丞勳衛親王府參軍事上  
鎮長史已前階伏波輕車二將軍太學太常二博士武騎常  
侍奉朝請國子助教親王府諸曹行參軍太子直後太子  
左右監門直長大興長安縣丞太子侍醫侍御史太史令  
上州諸曹參軍事左右監門府太子左右衛左右宗衛左  
右虞候左右內率等司馬上鎮司馬爲從七品

宣威明威二將軍協律郎都水丞殿內將軍太子左右監  
門率府長史別將下縣令中郡丞中州錄事參軍事上上

州諸曹行參軍事親王府行參軍左右領軍府錄事參軍

事中鎮長史太子內坊丞太子勳衛已前階襄威厲威二將

軍殿內御史掖庭宮闈二令上署令公車郊社太廟太祝平準太樂驛騶武庫

典客鉤盾左藏太倉左尚方右尚方司染典農京市太官鼓吹太子左右監門率府司馬

中州諸曹參軍事左右衛武衛武侯等府錄事參軍事左

右領軍府諸曹參軍事內尚食丞中戍主上戍副為正八

品

威戎討寇二將軍四門博士主書門下錄事尚書都事監

察御史內謁者監上闕令中署令太醫右藏黃藏乘黃龍廡衣冠守宮華林上林

掌治導官左校右校牛羊典牧下郡丞下州錄事參軍事中州諸曹行參

軍備身左右衛武衛武侯領左右等府諸曹參軍事左右

領軍府諸曹行參軍太子左右衛宗衛率等府錄事參軍

事下鎮長史太子翊衛已前階濫寇濫難二將軍親王府長

兼行參軍及典籤負外將軍統軍太子三寺丞中關令奚

官內僕二令下署令諸陵崇玄太子車府清商司儀者藏良醞掌醞甄官廩犧上津尉

下州諸曹參軍事左右衛武衛武侯等府諸曹行參軍領

左右府鎧曹行參軍左右監門太子左右衛宗衛等率左

右虞候左右內率等府諸曹參軍事掌舡局都尉上鎮諸

曹參軍事上縣丞上郡尉為從八品

殄寇殄難二將軍太學助教太子備身大理寺律博士諸

校書郎都水參軍事內史錄事內謁者令內寺伯中縣丞  
下關令中津尉下州諸曹行參軍上州行參軍左右監門  
府鎧曹行參軍太子左右衛宗衛虞候府等諸曹行參軍  
太子左右內率府鎧曹行參軍左右領軍府行參軍中鎮  
諸曹參軍事上鎮士曹行參軍中郡尉已前階掃寇掃難二  
將軍殿內司馬督太子食官典倉司藏等令尚食尚醫軍  
主太史掖庭宮闈局等丞上署令太子左右監門率府諸  
曹參軍事中州行參軍左右衛武衛武侯等府行參軍上  
州典籤下戍主上關丞太子典膳藥藏等局丞下郡尉典  
客署掌客司辰師爲正九品

曠野橫野二將軍掖庭局宮教博士太祝太子廐牧令太子校書下縣丞中署丞左右監門率府鎧曹行參軍下州行參軍中州典籤左右監門府太子左右衛宗衛廡候率府等行參軍正字太子內坊丞直中關上津丞下鎮諸曹參軍事中鎮士曹行參軍上縣尉上階偏裨二將軍四門助教書筭學博士奉禮郎負外司馬督幢主奚官內僕等局丞下署丞下州典籤內謁者局丞中津丞中縣尉太子正字太史監候太官監膳御府局監事左右校及掖庭監作太史司曆諸樂師爲從九品

又有流內視品十四等

行臺尚書令為視正二品

上揔管行臺尚書僕射為視從二品

中揔管行臺諸曹尚書為視正三品

下揔管為視從三品

行臺尚書左右丞為視從四品

同州揔監隴右牧揔監為視從五品

行臺諸曹侍郎為視正六品

上柱國嗣王郡王柱國府長史司馬諮議參軍事鹽池揔

監同州隴右牧揔副監王二王後國令為視從六品

上大將軍大將軍府長史司馬上柱國嗣王郡王柱國府

掾屬嗣王文學公國令王二王後大農尉典衛為視正七品

上開府開府府長史司馬上大將軍大將軍府掾屬上柱國嗣王郡王柱國府諸曹參軍事鹽池摠副監鹽州牧監諸屯監國子學生侯伯國令公國大農尉典衛雍州陸保為視從七品

上儀同儀同府長史司馬上大將軍大將軍府諸曹參軍事上柱國嗣王郡王柱國府參軍事諸曹行參軍行臺諸監同州諸監鹽池四面監皮毛監岐州監同州摠監隴右牧監等丞諸大冶監雍州州都主簿子男國令侯伯國大

農尉典衛王二王後國常侍爲視正八品

行臺尚書都事上開府開府府諸曹參軍事上大將軍大將軍府參軍事諸曹行參軍上柱國嗣王郡王柱國府行參軍五岳四瀆具山等令鹽池四面副監諸皮毛副監行臺諸副監諸屯副監諸中冶監諸緣邊交市監鹽池摠監丞諸州州都主簿雍州西曹書佐諸曹從事京兆郡正功曹太學生子男國大農典衛爲視從八品

開府府法曹行參軍上儀同儀同府諸曹參軍事上大將軍大將軍府行參軍上柱國嗣王郡王柱國府典籤同州諸副監歧州副監諸小冶監鹽州牧監丞諸大冶監丞諸



四廿八  
緣邊交市副監諸郡正功曹京兆郡主簿諸州西曹書佐  
祭酒從事雍州部郡從事公國常侍王二王後國侍郎公  
主家令諸州胡二百戶已上薩保為視正九品

儀同府法曹行參軍上開府開府府行參軍上大將軍大  
將軍府典籤上儀同儀同府行參軍上開府府典籤行臺  
諸監丞鹽池四面監丞皮毛監丞諸中冶監丞四門學生  
諸郡主簿諸州部郡從事雍州武猛從事大興長安縣正  
功曹主簿侯伯子男國常侍公國侍郎為視從九品

又有流外勳品二品三品四品五品六品七品八品九品  
之差又視流外亦有視勳庶視二品視三品視四品視五

品視六品視七品視八品視九品之差極於胥吏矣皆無上下階云

京官正一品祿九百石其下每以百石爲差至正四品是爲三百石從四品二百五十石其下每以五十石爲差至正六品是爲百石從六品九十石以下每以十石爲差至從八品是爲五十石食封及官不判事者并九品皆不給祿其給皆以春秋二季刺史太守縣令則計戶而給祿各以戶數爲九等之差天州六百二十石其下每以四十石爲差至於下下則三百石大郡三百四十石其下每以三十石爲差至於下下則百石大縣百四十石其下每以十

石爲差至於下下則六十石其祿唯及刺史二佐及郡守  
縣令

三年四月詔尚書左僕射掌判吏部禮部兵部三尚書事  
御史糾不當者兼糾彈之尚書右僕射掌判都官度支工  
部三尚書事又知用度餘皆依舊尋改度支尚書爲戶部  
尚書都官尚書爲刑部尚書諸曹侍郎及內史舍人並加  
爲從五品增置通事舍人十二員通舊爲二十四員廢光  
祿寺及都水臺入司農廢衛尉入太常尚書省廢鴻臚亦  
入太常罷大理寺監評及律博士員加置正爲四人罷郡  
以州統縣改別駕贊務以爲長史司馬舊周齊州郡縣職

自州都郡縣正已下皆州郡將縣令至而調用理時事至  
是不知時事直謂之鄉官別置品官皆吏部除授每歲考  
殿最刺史縣令三年一遷佐官四年一遷佐官以曹爲名  
者並改爲司六年尚書省二十四司各置負外郎一人以  
司其曹之籍帳侍郎闕則釐其曹事吏部又別置朝議通  
議朝請朝散給事承奉儒林文林等八郎武騎屯騎驍騎  
游騎飛騎旅騎雲騎羽騎八尉其品則正六品以下從九  
品以上上階爲郎下階爲尉散官番直常出使監檢罷門  
下省負外散騎常侍奉朝請通事令史負及左右衛殿內  
將軍司馬督武騎常侍等負

十二年復置光祿衛尉鴻臚等寺諸州司以從事爲名者  
改爲參軍

十三年復置都水臺國子寺罷隸太常又改寺爲學

十四年諸省各置主事令史員改九等州縣爲上中中下  
下凡四等

十五年罷州縣鄉官

十六年內侍省加置內主事員二十人以承門閤

十八年置備身府

二十年改將作寺爲監以大匠爲大監初加置副監

仁壽元年改都水臺爲監更名使者爲監罷國子學唯立

太學一所置博士五人從五品學生七十二人

三年監門府又置門候一百二十人

煬帝即位多所改革三年定令品首第一至于第九唯置  
正從而除上下階罷諸摠管廢三師特進官分門下太僕  
二司取殿內監名以爲殿內省并尚書門下內史祕書以  
爲五省增置謁者司隸二臺并御史爲三臺分太府寺爲  
少府監改內侍省爲長秋監國子學爲國子監將作寺爲  
將作監并都水監摠爲五監改左右衛爲左右翊衛左右  
備身爲左右騎尉左右武衛依舊名改領軍爲左右屯衛  
加置左右禦改左右武侯爲左右候衛是爲十二衛又改

領左右府為左右備身府左右監門依舊名凡十六府其朝之班序以品之高卑為列品同則以省府為前後省府同則以局署為前後焉

尚書省六曹各侍郎一人以貳尚書之職又增左右丞階與六侍郎並正四品諸曹侍郎並改為郎又改吏部為選部郎戶部為人部郎禮部為儀曹郎兵部為兵曹郎刑部為憲部郎工部為起部郎以異六侍郎之名廢諸司員外郎而每增置一曹郎各為一員都司郎各一人品同曹郎掌都事之職以都事為正八品分隸六尚書諸司主事並去令史之名其令史隋曹閑劇而置每十令史置一主事

不滿十者亦置一以其餘四省三臺亦皆曰令史九寺五  
監諸衛府則皆曰府史後又改主客郎為司蕃郎尋又每  
減一郎置承務郎一人同員外之職

舊都督已上至上柱國凡十一等及八郎八尉四十三號

將軍官皆罷之并省朝議大夫自一品至九品置光祿從一

品左右光祿左正二品右從二品金紫正三品銀青光祿從三品正議正四品

品通議從四品朝請正五品朝散從五品等九大夫建節正六品奮

武從六品宣惠正七品綬德從七品懷仁正八品守義從八品奉誠正九品

品立信從九品等八尉以為散職開皇中以開府儀同三司

為四品散實官至是改為從一品同漢魏之制位次王公



門下省減給事黃門侍郎貲置二人去給事之名移吏部  
給事郎名為門下之職位次黃門下置貲四人從五品省  
讀奏案廢散騎常侍通直散騎常侍諫議大夫散騎侍郎  
等常貲改符璽監為郎置貲二人為從六品加錄事階為  
正八品以城門殿內尚食尚藥御府等五局隸殿內省十  
二年又改納言為侍內

內史省減侍郎貲為二人減內史舍人貲為四人加置起  
居舍人貲二人

從六品

次舍人下改通事舍人貲為謁者臺

職減主書貲置四人加為正八品十二年改內史為內書

○殿內省置監

正四品

少監

從四品

丞

從五品

各一人掌諸供奉

又有奉車都尉十二人掌進御輿馬統尚食尚藥尚衣尚

舍尚乘尚輦等六局各置奉御二人正五品皆置直長以貳

之正七品尚食直長六人又有食醫食醫尚藥直長四人又有

侍御醫司醫醫佐負尚衣即舊御府也改名之有直長四

人尚舍即舊殿中局也改名之有直長八人尚乘局置左

右六閑一左右飛黃閑二左右吉良閑三左右龍媒閑四

左右駒騊閑五左右馱馱閑六左右天苑閑有直長十四

人又有奉乘十人尚輦有直長四人又有掌輦六人城門

置校尉一人降為正五品後又改校尉為城門郎置負四人

從六品自殿內省隸為門下省官

秘書省降監為從二品增置少監一人從四品增著作郎階

為正五品減校書郎為十人改太史局為監進令階為從

五品又減丞為一人置司辰師八人增置監候為十人其

後又改監少監為令少令增秘書郎為從五品加置佐郎

四人從六品以貳郎之職降著作郎階為從五品又置儒林

郎十人正七品掌明經待問唯詔所使文林郎二十人從八品

掌撰錄文史檢討舊事此二郎皆上在藩已來直司學士

增校書郎員四十人加置楷書郎員二十人從九品掌抄寫

御書

御史臺增治書侍御史為正五品省殿內御史員增監察

御史負十六人加階為從七品開皇中御史直宿禁中至是罷其制又置主簿錄事負各二人五年又降大夫階為正四品減治書侍御史為從五品增侍御史為正七品唯掌侍從糾察其臺中簿領皆治書侍御史主之後又增置御史從九品尋又省

謁者臺大夫一人

從四品五年改為正四品

掌受詔勞問出使慰撫持

節察授及受冤枉而申奏之駕出對御史引駕置司朝謁

者二人以貳之

從五品

屬官有丞一人主簿錄事各一人等

負又有通事謁者二十人

從六品

即內史通事舍人之職也

次有議郎二十四人通直三十六人將事謁者三十人謁

者七十人比皆掌出使其後廢議郎通直將事謁者謁者等  
員而置員外郎八十員尋詔閣下內史御史司隸謁者五  
司監受表以為恒式不復專謁者矣尋又置散騎郎從五  
品二十人承議郎正六品通直郎從六品各三十人宣德郎正七品  
宣義郎從七品各四十人徵事郎正八品將仕郎從八品常從  
郎正九品奉信郎從九品各五十人是為正員並得祿當品又  
各有散員郎無員無祿尋改常從為登仕奉信為散從自  
散騎已下皆主出使量事大小據品以發之

司隸臺大夫一人正四品掌諸巡察別駕二人從五品分察畿

內一人案東都一人案京師刺史十四人正六品巡察畿外

諸郡從事四十人副刺史巡察其所掌六條一察品官以  
上理政能不二察官人貪殘害政三察豪強姦猾侵害下  
人及田宅踰制官司不能禁止者四察水旱蟲災不以實  
言枉徵賦役及無災妄蠲免者五察部內賊盜不能窮逐  
隱而不申者六察德行孝悌茂才異行隱不貢者每年二  
月乘輶巡郡縣十月入奏置丞從六品主簿從八品錄事從九品  
各一人後又罷司隸臺而留司隸從事之名不為常員臨  
時選京官清明者權攝以行

光祿已下八寺卿皆降為從三品少卿各加置二人為從  
四品諸寺上署令並增為正六品中署令為從六品下署

內書三十三  
二六  
令爲正七品始開皇帝署司唯典掌受納至是署令爲判  
首取二卿判丞唯知勾檢令闕丞判五年寺丞並增爲從  
五品

太常寺罷太祝署而留太祝員八人屬寺後又增爲十人  
奉禮減置六人太廟署又置陰室丞守視陰室改樂師爲  
樂正置十人太卜又省博士員置太卜卜正二十人以掌  
其事太醫又置醫監五人正十人罷衣冠清商二署

太僕減驛駒署入殿內尚乘局改龍廐曰典廐署有左右  
駁阜二廐加置主乘司庫司廩官罷牛羊署

大理寺丞改爲勾檢官增正員爲六人分判獄事置司直

十六人降爲從六品後加至二十人又置評事四十八人掌頗同司直正九品鴻臚寺改興客署爲典蕃署初煬帝置四方館於建國門外以待四方使者後罷之有事則置名隸鴻臚寺量事繁簡臨時損益東方曰東夷使者南方曰南蠻使者西方曰西戎使者北方曰北狄使者各一人掌其方國及互市事每使者署典護錄事叙職叙儀監府監置互市監及副參軍各一人錄事主綱紀叙職掌其貴賤立功合叙者叙儀掌小大次序監府掌其貢獻財貨監置掌安置其駝馬船車并糾察非違互市監及副掌互市參軍事出入交易



司農但統上林太倉鉤盾導官四署罷典農華林二署而  
以平準京市隸太府

太府寺既分爲少府監而但管京都市五署及平準左右  
藏等凡八署京師東市曰都會西市曰利人東都東市曰  
豐都南市曰大同北市曰通遠及改諸令爲監唯市署曰  
令

國子監依舊置祭酒加置司業一人從四品丞三人加爲  
從六品并置主簿錄事各一人國子學置博士正五品助  
教從七品員各一人學生無常員太學博士助教各二人  
學生五百人先是仁壽元年省國子祭酒博士置太學博

士貢五人為從五品摠知學事至是太學博士降為從六品

將作監改大監少監為大匠少匠丞加為從六品統左右校及甄官署五年又改大匠為大監正四品少匠為少監正五品十三年又改監少監為令少令丞加品至從五品

○少府監置監從三品少監從四品各一人丞從五品二人統左尚右尚內尚司織司染鎧甲弓弩掌冶等署後改監少監為令少令併司織司染為織染署廢鎧甲弓弩二署

都水監改為使者增為正五品丞為從七品統舟楫河渠

四又五  
二署舟楫署每津置尉一人五年又改使者為監四品加  
置少監為五品後又改監少監為令從三品少令從四品  
○長秋監置令一人正四品少令一人從五品丞二人正  
七品並用士人改內常侍為內承奉置二人正五品給事  
為內承直置四人從五品並用宦者罷內謁者官領掖庭  
宮闈奚官等三署並參用士人後又置內謁者員

十二衛各置大將軍一人將軍二人摠府事并統諸鷹揚  
府改驃騎為鷹揚郎將正五品車騎為鷹揚副郎將從五  
品大都督為校尉帥都督為旅帥都督為隊正增置隊副  
以貳之改三衛為三侍其直閤將軍直寢奉車都尉駙馬

都尉直齋別將統軍軍主幢主之屬並廢以武侯府司辰  
師員隸為太史局官其軍士左右衛所領名為驍騎左右  
驍衛所領名豹騎左右武衛所領名熊渠左右屯衛所領  
名羽林左右禦衛所領名射聲左右候衛所領名伏飛而  
摠號衛士每衛置護軍四人掌副貳將軍將軍無則一人  
攝尋改護軍為武賁郎將正四品而置武牙郎將六人副  
焉從四品諸衛皆置長史從五品又有錄事參軍司倉兵  
騎鎧等員翊衛又加有親侍鷹揚府每府置鷹揚郎將一  
人正五品副鷹揚郎將一人從五品各有司馬及兵倉兩  
司其府領親勳武三侍非翊衛府皆無三侍鷹揚每府置

越騎校尉二人掌騎步兵校尉二人領步兵並正六品  
外軍鷹揚官並同左右候衛增置祭非掾二人專糾彈之  
事五年又改副郎將並為鷹擊郎將

左右領左右府改為左右備身府各置備身郎將一人又

各置直齋二人以貳之並正四品掌侍衛左右統千牛左

右司射左右各十六人並正六品

千牛掌執千牛刀宿衛司射掌供御弓箭置

長史正六品錄事司兵倉騎參軍等員並正八品有折衝

郎將各三人正四品掌領驍果又各置果毅郎將以領之

貳之從四品其驍果置左右雄武府雄武郎將以領之以

武勇郎將為副員同鷹揚鷹擊有司立司騎二局並置參

軍事左右監門府改將軍為郎將各置一人正四品直閣  
各六人正五品置官屬並同備身府又增左右門尉員二  
百二十人正六品置門候員二百四十人正七品並分掌  
門禁守衛

門下坊減內舍人洗馬員各置二人減侍醫置二人改門  
大夫為宮門監正字為正書

典書坊改太子舍人為管記舍人減置四人改通事舍人  
為宣令舍人為負家令改為司府令內坊承直改為典直  
○左右衛率改為左右侍率正四品改親衛為功曹勳衛  
為義曹翊衛為良曹罷直齋直閣員

三〇六十一  
隋書卷三十三  
左右宗衛率改爲左右武待率正四品

左右虞候開府改爲左右虞候率正四品并置副率

左右內率降爲正五品千牛備身改爲司仗左右備身左右改爲主射左右各負八人

左右監門率改爲宮門將降爲正五品監門直長改爲直事置六十人

開皇中置國王郡王國公郡公縣公侯伯子男爲九等者至是唯留王公侯二等餘並廢之

王府諸司參軍更名諸司屬參軍則直以屬爲名改國令爲家令自餘以國爲名者皆去之

行宮所在皆立摠監以司之上宮正五品中宮從五品下  
宮正七品隴右諸牧置左右牧監各一人以司統之

罷州置郡郡置太守上郡從三品中郡正四品下郡從四

品京北河南則俱為尹並正三品罷長史司馬置替務一

人以貳之京北河南從四品上郡正五品次置東西曹掾

京北河南從五品上郡正六品中郡從六品下郡正七品主簿司功倉戶兵法士曹等書

佐各因郡之大小而為增減改行參軍為行書佐舊有兵

處則刺史帶諸軍事以統之至是別置都尉副都尉都尉

正四品領兵與郡不相知副都尉正五品又置京輔都尉

從三品立府於潼關主兵領邊并置副都尉從四品又置



諸防主副官掌同諸鎮大興長安河南洛陽四縣令並增  
爲正五品諸縣皆以所管閑劇及衝要以爲等級丞主簿  
如故其後諸郡各加置通守一人位次太守京兆河南則  
謂之內史又改郡贊務爲丞位在通守下縣尉爲縣正尋  
改正爲戶曹法曹分司以丞郡之六司河南洛陽長安大  
興則加置功曹而爲三司司各二人郡縣佛寺改爲道場  
道觀改爲玄壇各置監丞京都諸坊改爲里皆省除里司  
官以主其事帝自三年定令之後驟有制置制置未久隨  
復改易其餘不可備知者蓋史之闕文云

志第二十四

隋書二十九

太尉揚州都督監修國史上柱國趙國公臣長孫無忌奉勅撰

地理上

自古聖王之受命也莫不體國經野以爲人極上應躔次下裂山河分疆畫界建都錫社是以放勛御歷脩職貢者九州文命會同執玉帛者萬國洎乎殷遷夏鼎黜殷命雖質文之用不同損益之途或革而封建之制率由舊章於是分土惟三列爵惟五千里以制畿甸九服以別要荒十國爲連連有帥倍連爲卒卒有正皆所以式固鴻基蕃屏王室興邦致化康俗庇人者歟周德旣衰諸侯力政干

戈日用戎馬生郊疆陵弱衆暴寡魯滅於楚鄭滅於韓田  
氏篡齊六卿分晉其餘弑君亡國不得守其社稷者不可  
勝數逮于七雄競逐二帝爭疆疆場之事一彼一此秦始  
皇據百二之巖險奮六世之餘烈力爭天下蠶食諸侯在  
位二十餘年遂乃削平寓內懲周氏之微弱恃狙詐以爲  
疆蔑棄經典罷侯置守子弟無立錐之地功臣無尺土之  
賞身沒而區宇幅裂及子而社稷淪胥漢高祖挺神武之  
宏圖掃清禍亂矯秦皇之失策封建王侯並跨州連邑有  
踰古典而郡縣之制無改於秦逮于孝武務勤遠略南兼  
百越東定三韓通邛笮之險塗斷匈奴之右臂雖聲教遠

洎而人亦勞止昭宣之後罷戰務農戶口旣其滋多郡縣  
亦有增置至于平帝郡國一百有三戶一千二十三萬光  
武中興承王莽之餘弊兵戈不戢飢疫荐臻率土遺黎十  
纔一二乃併省郡縣四百餘所明章之後漸至滋繁郡縣  
之數有加曩日逮炎靈數盡三國爭彊兵革屢興戶口減  
半有晉太康之後文軌方同大抵編戶二百六十餘萬尋  
而五胡逆亂二帝播遷東晉洎于宋齊僻陋江左符姚之  
與劉石竊據中原事跡糾紛難可具紀梁武帝除暴寧亂  
奄有舊吳天監十年有州二十三郡三百五十縣千二十  
二其後務恢境宇頻事經略開拓閩越克復淮浦平俚洞

破样柯又以舊州遐闊多有析置大同年中州一百七郡  
縣亦稱於此既而侯景構禍臺城淪陷墳籍散逸注記無  
遺郡縣戶口不能詳究逮于陳氏土宇彌蹙西亡蜀漢北  
喪淮肥威力所加不出荆揚之域州有四十二郡唯一百  
九縣四百三十八戶六十萬後齊承魏末喪亂與周人抗  
衡雖開拓淮南而郡縣僻小天保之末摠加併省洎乎國  
滅州九十有七郡一百六十縣三百六十五戶三百二萬  
周氏初有關中百度草創遂乃訓兵教戰務穀勸農南清  
江漢西兼巴蜀卒能以寡擊衆戡定疆鄰及于東夏削平  
多有省廢大象二年通計州二百一十一郡五百八縣一

千一百二十四高祖受終惟新朝政開皇三年遂廢諸郡  
洎于九載廓定江表尋以戶口滋多析置州縣煬帝嗣位  
又平林邑更置三州既而併省諸州尋即改州爲郡乃置  
司隸刺史分部巡察五年平定吐谷渾更置四郡大凡郡  
一百九十縣一千二百五十五戶八百九十萬七千五百  
四十六口四千六百一萬九千九百五十六墾田五千五  
百八十五萬四千四十一頃其邑居道路山河溝洫沙磧  
鹹鹵丘陵阡陌皆不預焉東西九千三百里南北萬四千  
八百一十五里東南皆至於海西至且末北至五原隋氏  
之盛極於此也

**京兆郡** 開皇三年置雍州城東西十八里一百一十五步南北十五里一百七十五步東面通化春明延興

三門南面啓夏明德安化三門西面延平金光開遠三門北面光化一門里一百六市二大業三年改州為郡故名

**馬置** **統縣二十二戶三十萬八千四百九十九** **大興** 開皇

三年置後周舊郡置縣曰萬年高祖龍潛封號大典故至是改焉有長樂宮有後魏杜城縣西霸城縣西魏山北縣

並後 **長安** 帶郡有仙都福陽太平等 **始平** 故置扶風郡開皇三年郡廢

**武功** 後周置武功郡建德中 **蓋屋** 後周置周南郡及恒州郡廢有永豐渠普濟渠

並廢有司竹園有宜壽仙遊文山鳳 **醴泉** 後魏曰寧夷西魏置寧夷郡後

皇等宮有閑官有太一山有温湯 **醴泉** 後魏曰寧夷西魏置寧夷郡後

周改為秦郡後廢又以新時甘泉二縣入焉開皇十八 **上** 年改縣名醴泉有甘泉水波水浪水有九峻山温秀嶺

**宜** 開皇十七年置有舊莫西縣十八 **鄠** 有甘泉宮有終 **藍** 年改名好時大業三年廢入焉

**田** 後周置藍田郡尋廢郡乃 **新豐** 有温 **華原** 後魏置

玉山二縣入焉有閑官有滋水 **新豐** 有温 **華原** 後魏置

玉山二縣入焉有閑官有滋水 **新豐** 有温 **華原** 後魏置

西魏改為宜州又置北地郡尋改為通川郡開皇初郡廢大業初州廢及土門縣入焉有沮水頰山宜君置

宜君郡開皇初郡廢有清水同官鄭後魏置東雍州并華山郡西魏改曰華州開皇初郡廢大業初

州廢有少華山渭南後魏置渭南郡西魏分置靈源中源二縣並廢入焉有步壽宮萬年

高陵後魏曰高陵三原後周置建忠郡涇陽舊置成陽大業初改焉建德初郡廢舊置北

廢有茂雲陽舊置後周置雲陽郡開皇初郡廢有涇水五龍水甘水走馬水富平舊置北

周改曰中華郡華陰有興德宮有閼官有京尋罷有荆山輔都尉有白渠有華山

馮翊郡後魏置華州西統縣八戶九萬一千五百七十二魏改曰同州

馮翊後魏曰華陰西魏改為武鄉置武鄉郡開皇初郡廢大業初改名馮翊置馮翊郡有沙苑韓城

開皇十八年置有閼郟陽朝邑後魏曰南五泉西魏改官有梁山有鬼谷

朝澄城後魏置澄城郡後周併五蒲城舊置南北二白水泉縣入焉開皇初郡廢西魏改為蒲城置



白水郡開下邳舊置延壽郡開皇初郡廢大業白水龍山

馬蘭山

扶風郡舊置岐州統縣九戶九萬二千二百二十三〇雍後魏

平郡西魏改為岐山郡開皇三年岐山後周曰三龍縣開

郡廢大業初置扶風郡有岐陽宮岐山皇十六年改名焉

又有後魏周城縣陳倉後魏曰宛川西魏改曰陳倉後周

後周廢有岐山陳倉置顯州尋州縣俱廢開皇十八年

置曰陳倉有陳號後魏置武都郡西魏改縣曰洛邑後周

倉山有閔官號置朔州尋廢郡開皇初廢大業初改

縣為邵舊曰平陽縣西魏改曰郿城後周廢入周城縣開

周置雲州建德中廢有安仁普閔大業初置有仁壽宮汧

宮鳳泉宮有太白山五丈原普閔有漆水岐水杜水汧

源西魏置隴東郡及汧陰縣後改縣曰杜陽後周又曰汧

陰開皇三年郡廢五年縣改曰汧源又有西魏東秦州

後改為隴州大業三年州廢汧陽舊置汧陽南由後魏置

有閔官有隴山汧山汧水汧陽郡後周罷南由後魏置

為鎮後周復置縣又有舊長蛇  
縣開皇末廢有閩官有盤龍山

**安定郡** 舊置涇州 **統縣七戶七萬六千二百八十一**。安定 郡帶

**鶉觚** 舊置趙平郡後周廢郡并以宜祿縣 **陰盤** 後魏置平

初郡廢 **朝那** 西魏置安武郡及析置安武 **良原** 大業初置 **臨涇**

大業初置初曰 **華亭** 大業初置有隴水芮水

**北地郡** 後魏置幽州西魏改為 **統縣六戶七萬六百九十**

○ **定安** 舊置趙興郡開皇初郡 **羅川** 舊曰陽周開皇中改

周廢有 **彭原** 舊曰彭陽後魏置西北地郡有洛蟠城西魏

開皇初郡廢十八年改 **襄樂** 後魏置襄樂郡後周廢又有西

縣曰彭原有珊瑚水 **三水** 西魏置恒

**新平** 舊曰白土西魏置幽州開皇四年改縣為新平大業初州廢

上郡後魏置東秦州後改為北華州西魏改為上郡統縣五戶

五萬三千四百八十九。洛交開皇三年置大郡內部舊置

及內郡郡開皇三年三川舊名長城西魏改為焉又廊城後

郡廢大業初州廢曰敷城大洛川有廊

雕陰郡西魏置綏州大統縣十二戶三萬六千一十八。

上縣西魏置安寧郡與安寧綏德安人三縣同置開皇初

二縣入又後周置大斌西魏置仍立安政郡延福西魏置

義良縣亦廢入焉開皇初廢有平水真鄉西魏置後周置

開皇中儒林後周置銀州開皇三年真鄉真鄉郡開皇初

廢開光舊置開光郡開皇銀城後周置曰石城平西魏開

疆西魏置有後魏撫寧撫寧西魏綏德西魏

延安郡

後魏置東夏州西魏改為延州置樞密府開皇中府廢

統縣十一戶五萬三

千九百三十九

○虜施

大業三年置及置延安郡有豐林山

豐林後魏置曰廣武及徧

城郡開皇初郡廢十八年改為魏平

後魏置并立朔方郡後周廢郡併朔方和

政二縣

入焉

金明

有治官臨真

有西魏神木郡真川縣後周

延

川西魏置曰文安及置文安郡

延安

西魏置又置義鄉縣大業中廢義鄉入焉

因城

後魏置後周

義川

西魏置汾州義川郡後改州為丹

改縣曰義川又廢樂川郡入大

汾川

舊曰安平後周改曰汾川大業初廢門山

縣入

咸寧

舊曰永寧西魏改為太

弘化郡

西魏置朔州後周廢

統縣七戶五萬二千四百七

十三

合泉

開皇十六年置大

馬嶺

大業初置華池又西魏置

蔚州後歸德西魏置恒州後周廢有雕水洛源大業初置有博水洱水弘化開皇十八

年置弘州大業初廢 弘德大業初置

平涼郡舊置原州後周置總管府大業初府廢統縣五戶二萬七千九百九

十五 平高後魏置太平郡後改為平高開皇初郡廢大業初置平涼郡有閔官有笄頭山百泉

後魏置長城郡及黃石縣西魏改為黃石為長城開皇初郡廢大業初縣改為百泉平涼後周置有可藍山

會寧西魏置會州後周廢開皇十六年置縣默亭

朔方郡後魏置夏州後周置總管府大業初府廢統縣三戶一萬二千六百七

十三 巖綠西魏置弘化郡開皇初廢大業初置朔方郡寧朔後周置長澤西魏置闡

熙郡又有後魏大安郡及置長州開皇三年郡廢又廢山鹿新因二縣入焉大業三年州廢

鹽川郡西魏置西安州後改為鹽州統縣一戶三千七百六十三 五

原後魏置郡曰大興西魏改為五原後又為大興開皇初郡廢大業初置鹽川郡

靈武郡後魏置靈州後周置摠充縣六戶一萬二千三百

三十 迴樂後周置帶普樂郡又西魏置臨河郡開皇元年改臨河郡曰新昌三年郡並廢大業初置

靈武 弘靜開皇十一年懷遠後周置仍立懷遠靈武後周置有賀蘭山

建安後又置歷城郡開皇三年郡廢十鳴沙後周置會州八年改建安為廣閏仁壽元年改名焉

九年置環州及鳴沙縣 豐安開皇十年置

榆林郡開皇二十年置勝州統縣三戶二千三百三十 榆林開皇六年

置大業初置郡 富昌開皇十年置 金河開皇三年置曰陽壽及置油雲

州摠管十八年改陽壽曰金河二十年雲州 移二縣俱廢仁壽二年又置金河縣帶閏

五原郡開皇五年置豐州仁壽元年府廢 統縣三戶二千三百

三十 九原 開皇五年置 永豐 開皇五年置 安化 開皇十一年置

天水郡 舊秦州後周置 統縣 六戶五萬二千一百三十

上邽 故曰上邽帶天水郡開皇初郡廢 冀城 後周曰冀城縣廢入

黃瓜縣 大業初改 清水 後魏置及置清水郡開皇初郡廢有閼官有分水嶺 秦嶺 後

置曰伯陽縣 龍城舊曰略陽置略陽郡開皇二年郡 成紀 開皇中改焉

龍馬城 仙人碇

隴西郡 舊渭州 統縣 五戶一萬九千二百四十七 襄武 帶

隴西 舊城內陶置南安郡開皇初 渭源 有鳥鼠山 障 後魏

魏置廣安郡 後周郡廢 長川 後魏置安陽郡領安陽烏水二縣西魏

郡廢十八年改州曰紀州安陽曰長川大業初州廢又廢烏水入焉

金城郡 開皇初置蘭州摠管府大業初府廢 統縣二戶六千八百一十八

金城 舊縣曰子城帶金城郡開皇初郡廢大業初改縣為金城置金城郡有闕官 狄道 後魏置臨洮郡

龍城縣 後周皆廢又後魏置武始郡開皇初廢有白石山

枹罕郡 舊置 統縣四戶一萬三千一百五十七 枹罕 舊置

枹罕郡 開皇初郡廢大業初置郡有闕官有鳳林山 龍支 後魏曰北金城西魏改焉有唐述山 大夏 有金

細水池 後魏曰覃川山後周改焉

澆河郡 後周武帝逐吐谷渾以置廓州摠管府開皇初府廢 統縣二戶二千二百四

十 河津 後周置洮河郡領洮河廣威安戎三縣開皇初郡廢併三縣入焉大業初置澆河郡有監水

達化 後周置達化郡開皇初郡廢併綏遠縣入焉有連雲山

西平郡 舊置 統縣二戶三千一百一十八 湟水 舊曰西



置樂都郡開皇初郡廢十八年改縣曰湟水又有舊浩亶  
 縣又西魏置龍居路倉二縣並後周廢大業初置西平郡  
 有土化隆舊魏曰廣威西魏置澆河郡後周廢郡  
 樓山仁壽初改為化隆有掖延山湟水盧水

武威郡

舊置涼州後周置掖

統縣四戶一萬一千七百五

舊置武威郡開皇初郡廢大業初復置武威郡又

姑臧

舊置武威郡開皇初郡廢大業初復置武威郡又

後周廢有

昌松

後魏置昌松郡後周廢郡以榆次縣入開

魏安郡後周改置白

番和

後魏置番和郡後周郡廢置鎮

山縣尋廢有白山

允吾

後魏置曰廣武及置廣武郡開皇

城障燕支五縣之  
 地入焉有燕支山  
 廣武後又改為邑次大業  
 初改為允吾有青巖山

張掖郡

西魏置西涼州

統縣三戶六千一百二十六

張

掖舊曰永平縣後周置張掖郡開皇初郡廢十七年縣改  
 掖為酒泉大業初改為張掖置張掖郡又有臨松縣後周

廢有甘峻山臨松山合刪丹後魏曰山丹又有西郡永寧

黎山有五石澗大柳谷刪丹縣西魏郡廢縣改為弱水後

周省入山丹大業改為刪丹又後周置金福祿舊置酒泉

山縣尋廢入焉有把山有鹽池有弱水郡開皇初

郡廢仁壽中以置肅州大業初州尋廢又後周置

樂涇縣尋廢有祁連山崆峒山崑崙山有石渠

敦煌郡舊置瓜州統縣三戶七千七百七十九敦煌舊置敦

周併效穀壽皇二郡入焉又併敦煌鳴沙平康效穀東鄉

龍勤六縣為鳴沙縣開皇初郡廢大業置敦煌郡改鳴沙

為敦煌有神沙山常樂後魏置常樂郡後周併涼興大至

三危山有流沙後魏置會稽郡後周廢郡併會稽新鄉

廢改縣為常

樂有閔官

玉門後魏置會稽郡後周廢郡併會稽新鄉

延興為會稽縣開皇中改為玉門併得

後魏玉

門郡地

善善郡大業五年平吐谷渾置置在鄯善城即古樓蘭城

也并置且末西海河源摠四郡有蒲昌海鄯善水

統縣二

顯武

濟遠

且末郡

置在古且末城有且末水薩毗澤

統縣二

肅寧 伏戎

西海郡

置在古伏俟城即吐谷渾國都有西王母石窟青海鹽池

統縣二

宣德

威

定

河源郡

置在古赤水城有曼頭城積石山河所出有七烏海

統縣二

遠化 赤水

○周禮職方氏正西曰雍州上當天文自東井十度至柳

八度為鶉首於辰在未得秦之分野考其舊俗前史言之

詳矣化於姬德則閑田而興讓習於嬴敝則相稽而反脣

斯豈土壤之殊乎亦政教之移人也京兆王都所在俗具

五方人物混淆華戎雜錯去農從商爭朝夕之利游手為

事競錐刀之末貴者崇侈靡賤者薄仁義豪彊者縱橫貧

窶者窘蹙桴鼓屢發馬盜賊不禁此乃古今之所同焉自京  
城至於外郡得馮翊扶風是漢之三輔其風大抵與京師  
不異安定北地上郡隴西天水金城於古為六郡之地其  
人性猶質直然尚儉約習仁義勤於稼穡多畜牧無復寇  
盜矣雕陰延安弘化連接山胡性多木彊皆女淫而婦貞  
蓋俗然也平涼朔方鹽川靈武榆林五原地接邊荒多尚  
武節亦習俗然焉河西諸郡其風頗同並有金方之氣矣  
漢川郡舊置梁州統縣八戶一萬一千九百一十南鄭舊置漢川

郡開皇初郡廢大業初置郡又西魏置西舊曰嶓冢大業  
白雲縣至是併入焉有黃牛山龍岡山初改焉有關官  
有定軍山百牢山街裏城開皇初曰裏內仁壽九年因失  
亭山嶓冢山有漢水

更給改名焉有關官有女御

山城固

興勢

舊置儻成郡開皇初郡廢

西鄉川

舊曰豐寧置洋州及洋川郡開皇初廢郡大業

難江

後周置集州及

初廢州改縣曰西鄉又舊有懷昌郡後周廢為懷昌縣至是入焉有洋水

黃金

難江

後周置集州及

平桑郡開皇初郡廢大業初州廢

西城郡

梁置梁州尋改曰南梁州西魏改置東梁州尋改為金州置總管府開皇初府廢

統縣六

戶一萬四千三百四十一

金川

梁初曰上廉後曰吉陽西魏改曰吉安後周以

西城入焉舊有金城吉安二郡開皇初並廢十八年改縣為吉安大業三年改曰金川置西城郡又後周置洵州尋

廢有焦石泉

舊曰永樂置晉昌郡西魏改郡曰魏昌尋改求樂曰石泉析置魏寧縣後周省魏昌郡入

陵山 中城郡又省魏洵陽 舊置洵陽郡開皇初郡廢有洵水

安康

舊曰寧都齊寧縣入石泉縣初郡廢有洵水

魏置東梁州後蕭管改直州開皇初郡廢大業初州廢縣改曰安康

黃土

西魏置洵陽郡後周改郡置縣曰長

岡後郡省入甲郡置縣曰黃土併赤石甲臨江三縣入焉開皇初郡廢

豐利

西魏改郡曰豐

利後周省郡入上津郡以熊川陽川二縣入豐利後又廢上津郡入甲郡有天心水

**房陵郡** 西魏置光遷國後周國廢統縣四戶七千一百六

○**光遷** 舊曰房陵置新城郡梁末置岐州後周郡縣並改為光遷又有舊綏州開皇初與郡並廢大業初置

房陵郡有**永清** 舊曰大洪後周改焉有照**竹山** 梁曰安城

房山霍水**珠山**有武山沮水汎水**竹山** 西魏改焉

置羅州開皇十八年改曰房州**上庸** 梁曰新豐西魏改焉

大業初州廢有花林山懸鼓山**上庸** 後周改曰孔陽開皇

十八年復曰上庸

**清化郡** 舊置巴州統縣十四戶一萬六千五百三十九**化成**

梁曰梁廣仍置歸化郡後周改縣曰**曾口** 梁置曰**清化** 梁置曰

化成開皇初郡廢大業初置清化郡**曾口** 置清化伏疆有

青書示二日

**始寧**

梁置并置遂寧郡開皇初郡廢有始寧山

**其章**

梁置

**恩陽**

梁置曰義陽開皇未改

**長池**

後周置曰曲細開皇未改焉

**符陽**

舊置其章郡開皇初廢

**白石**

有文

**安固**

梁置後周置蓬

州大業初州廢有大蓬山

**伏虞**

梁置曰宣漢及置伏虞郡開皇初郡廢十八年改焉

**通川郡**

梁置萬州魏曰通川

**統縣七戶一萬二千六百二十四**

**通川**

梁曰石城置東關郡開皇初郡廢大業初置通川郡

**三岡**

梁置屬新安郡西魏改郡曰新寧開皇初

**石鼓**

西魏置遷州後周廢州置臨清郡開皇初廢郡

**東鄉**

西魏置石州後周廢州置三巴郡開皇初

**宣漢**

西魏置并州及永昌郡開皇三年郡廢五年州廢

**西流**

後魏曰漢興西魏改焉又置開州及

周安萬安江會三郡後周省江會入周安開皇初郡並廢大業初州廢

**萬世**

後周置及置萬世郡開皇初郡

廢

**宕渠郡**

梁置渠州

**統縣六戶萬四千三十五**

**流江**

後魏置縣及置

流江郡開皇初郡廢

大業初置宕渠郡

賓舊曰始安開皇十八年改焉鄰水梁置縣并

魏改鄰山郡

宕渠

梁置并直境陽

咸安

梁置曰綏安開皇末改名焉

墊

關皇初郡廢

江西魏置縣及容川容山郡後周改為魏安縣開皇初郡廢十八年縣改名焉

漢陽郡

後魏曰南秦州

統縣三戶一萬九百八十五

上祿

舊置仇池郡後魏置倉泉縣後周廢階陵豐川建平城階四縣入焉開皇初郡廢大業初置漢陽郡改縣

曰上祿有百頃雄

潭水

西魏置潭水郡後周郡廢并

長道

後魏置

後周郡廢又省水南縣入焉開皇初郡廢十八年改曰長道

臨洮郡

後周武帝逐吐谷渾

以置洮統縣十一戶二萬八

千九百七十一

美相

後周置縣及置洮陽郡開皇初郡廢併洮陽縣入焉大業初置臨洮

郡疊川

後周置疊川疊川縣開皇四年置總管府大業元年府廢有洮水流水

合川

後周置仍立西



疆郡開皇初郡廢有白嶺山樂川後周置歸政開皇二年置仍立疆澤郡三年廢又後周立弘州及

開遠河濱二郡開皇初州郡並廢洮源後周置曰金城并立旭州又置通義郡開皇初郡廢十八年縣改為

美俗大業初州洮陽後周置曰黃恩并置廣恩郡開皇初廢縣改名焉洮陽後周置曰黃恩并置廣恩郡開皇初

改曰臨潭後周曰洮潭開皇十一年改名焉臨洮西魏置曰溢樂并置岷州及同和郡開皇初郡

廢大業初州廢更名縣曰臨洮又後周置祐川郡基城縣尋郡縣俱廢有岷山崆峒山黨後周置又立洪

和郡郡尋廢又置博陵郡及博陵寧人二縣開皇初併入和政後周置洮城郡尋廢

宕昌郡後周置宕昌國天和元年置宕州摠管府開皇四年府廢統縣三戶六千九百

九十六 良恭後周置初曰陽宕置宕昌郡開皇初郡廢十八年改名焉大業初置宕昌郡

和戎後周置有良恭山懷道後周置甘松郡開皇初郡廢

武都郡西魏置統縣七戶一萬七百八十 將利舊曰石門西魏

改曰安育後周改曰將利置武都郡後改曰永都郡開皇初郡廢大業初置武都郡又有東平縣後周併入焉有河

池**建威**後魏置白水郡後廢改為白水縣西魏復立郡改

又西魏有孔堤郡**覆津**後魏初曰翫當置武階郡西魏又

及縣後周並廢**覆津**縣及置萬郡統赤方接難

五部三縣後周一郡三縣并翫當**盤堤**西魏置曰南五部

並廢入焉開皇初武階郡又廢**盤堤**縣後改名焉并立

武陽郡及茄蘆縣後**長松**西魏置初曰建昌置文州及盧

周郡廢縣併入焉**長松**北郡開皇初郡廢十八年縣改

曰長松大**曲水**西魏**正西**西魏

業初州廢**同昌郡**西魏逐吐谷渾置鄧州**統縣八戶一萬二千二百**

**四十八**尚安西魏置縣及鄧寧郡開皇初郡**鉗川**西魏

有白水**帖夷**西魏置又置昌寧**同昌**西魏置有鄧至山云

有白水**帖夷**郡開皇三年郡廢**同昌**鄧艾所至故名焉

**嘉誠**後周置縣并龍涸郡及扶州摠管府開**封德**後魏置

六十九  
州有深泉郡開皇初郡廢又立恒香郡  
省理定縣入焉大業初州廢常芬開皇初郡廢有弱水金

崖後周置

河池郡後魏置南岐州統縣四戶一萬一千二百二

梁泉舊曰故道後魏置郡曰固道縣曰涼泉尋改曰梁泉西魏改郡曰歸真後周廢郡又廢龍安商樂二縣入

大業初置郡兩當後魏置及立兩當河池後魏曰廣化并置廣

壽初縣改名焉又後魏置思同谷舊曰白石置廣業郡西

安縣大業初省入有河池水同谷後周置康州開皇初郡廢大業初州廢又有涇陽縣西魏廢

順政郡後魏置東益州梁為武興統縣四戶四千二百六

十一順政舊曰略陽西魏置郡曰順政縣曰漢曲又置

改名焉大業初置郡鳴水西魏置曰落叢并置落叢郡開皇

又省靈道縣併入初郡廢六年縣改為厨北八年

改曰長舉西魏置又立盤頭以郡脩城舊置脩城郡縣曰廣

鳴水後周廢郡有鳳溪水

阪縣入仁壽初縣改名焉

又西魏置柏樹縣後周廢

義城郡後魏立益州世號小益州梁曰黎州西魏復統縣

曰益州又改曰利州道摠管府大業初府廢統縣

七戶一萬五千九百五十絲谷舊曰興安置晉壽郡開

名焉大業初置郡又有華陽郡益昌義城西魏葭萌後

梁置華州西魏並廢有龍門山置景谷舊曰

曰晉安置新巴郡開皇初郡廢十八年置岐坪

縣改名焉大業初又併恩金縣入焉置景谷舊曰

置平興郡後周省東洛郡入開皇初郡廢縣改名平興十

八年改曰景谷大業初又省魚盤縣入焉有開官有木馬

山良珠山嘉川舊置宋熙郡

有陳水開皇初廢統縣四戶五千四百二十

平武郡西魏置統縣四戶五千四百二十

江油後魏置開皇三年郡廢大馬盤後魏置馬盤郡平武梁末李文智

西魏廢為縣 有涪水潺水 **方維** 舊曰秦興置建陽郡開

**汶山郡** 後周置汶州開皇初改曰蜀州尋 **統縣十一戶二**

**萬四千一百五十九** **汶山** 舊曰廣陽梁改為北部都尉

州開皇初郡廢仁 **北川** 後周置有龍泉水 **汶川** 後周置汝

壽元年改名焉 **通化** 開皇初置曰金川 **左封** 後周置

初郡 **交川** 開皇初置 **通化** 仁壽初改名焉 **平康** 後周置

及置廣年郡左封郡開皇初郡並廢仁壽初 **翼水** 後周置

山 **翼水** 後周置曰龍求及置清江郡開皇初 **翼針** 後周置

郡開皇初郡 **江源** 後周 **通軌** 後周置縣及潭州并潭川榮

廢有石鏡山 **通軌** 鄉二郡開皇初郡廢四年州 **普安郡** 梁置南梁州後改為 **統縣七戶三萬一千三百五**

安州西魏改為始州

十一

普安

舊曰南安西魏改曰普安置且普安郡開皇初郡廢大業初置郡焉

永歸

舊曰白水

西魏黃安

舊曰華陽西魏改焉又置黃原郡開皇初郡廢

陰平

宋置北陰平郡魏改郡首龍州西魏改郡

為陰平又名縣焉後周從江油郡改曰靜龍縣曰陰平開皇初郡廢

梓潼

舊曰安壽西魏置潼川郡開皇初郡

廢大業初縣改名焉有五婦山

武連

舊曰武功置輔劔郡西魏改郡曰安都縣曰武連開皇初郡廢

舊曰胡原開皇七年改焉

金山郡

西魏置潼州開皇五年改曰絳州

統縣七戶三萬六千九百六十

三巴

舊曰涪置巴西郡西魏改縣曰巴西開皇初郡廢大業初置金山郡有鹽井

昌隆

有雲

臺涪城

舊置始平郡西魏改郡為涪城後周又改曰安魏城開皇初郡廢改縣曰安城十六年改為涪城

城西魏

萬安

舊曰孱亭西魏改名焉置萬安郡開皇初郡廢

神泉

舊曰西充國開皇六年改名焉

金山

舊置益昌晉興二縣西魏省晉興入益昌後周別置金山開皇四年省益昌入金山

**新城郡**

梁末置新州開統縣五戶三萬七百二十七

郵

舊曰伍城西魏改曰昌城仍置昌城郡開皇初郡廢大業初置新城郡改縣名焉

**射洪**

西魏置曰射江後周

改名**鹽亭**

西魏置鹽亭郡開皇初郡廢焉有高渠縣大業初併入焉

**通泉**

舊曰通泉置西宕渠郡西

魏改郡縣俱曰湧泉開皇初郡廢縣改名又併光漢縣入焉

**飛鳥**

開皇中置

**巴西郡**

梁置南梁北巴西魏置隆州

統縣十戶四萬二千六十四

**閬內**

梁置北巴西郡後魏平蜀置盤龍郡開皇初郡廢大業初置巴西郡有盤龍山天柱山靈山

**南部**

舊曰南充國梁曰南巴西魏置新安郡後周郡廢

**蒼溪**

舊曰漢昌開皇末改名焉

**南充**

舊曰

安漢置宕渠郡開皇初郡廢十八年縣改名焉

**相如**

梁置梓潼郡後魏郡廢

**西水**

梁置

掌天郡西魏改曰**晉城**

舊曰西充國

梁置木蘭郡金遷開皇初郡廢

閬

**奉國**

梁置白馬義陽二郡開皇初郡廢并廢義陽縣入焉

**儀隴**

梁置并置隆城郡開

皇初郡廢 **大寅** 梁置

**遂寧郡** 後周置遂州仁壽二年統縣三戶一萬二千六百

**二十二** **方義** 梁曰小溪置東遂寧郡西魏改縣名焉後

寧郡 **青石** 舊曰晉興西魏改名焉又 **長江** 舊曰巴興西魏改

開皇初郡廢

**涪陵郡** 西魏置合州開皇末改曰涪州統縣三方九千九百二十一

**石鏡** 舊曰墊江置宕渠郡西魏改郡為墊江縣 **漢初** 梁置

郡西魏改郡曰清居名 **赤水** 開皇八年置

**巴郡** 梁置楚州開皇初改曰渝州 統縣三戶一萬四千四百二十三

**巴** 舊置巴郡後周廢枳墊江二縣入 **江津** 舊曰江州縣西

焉開皇初郡廢大業初置巴郡 魏改為江陽置



七門郡開皇初郡廢  
十八年縣改名焉  
涪陵舊曰漢平置涪陵郡開皇初郡廢十三年縣改名焉

巴東郡梁置信州後周置統縣十四戶二萬一千三百

七十人復舊置巴東郡縣曰魚復西魏改曰人復開皇初郡廢大業初置巴東郡有鹽井白鹽山

雲安舊曰胸臆南浦後周置安鄉郡後改縣曰安鄉改郡後周改焉曰萬川開皇初郡廢十八年縣改名

焉梁山西魏置有高梁山有紆溪大昌後周置永昌郡尋廢又廢北井縣入焉巫山舊置

郡開皇初郡廢有巫山秭歸後周曰長寧置秭歸郡開皇初郡廢改縣曰秭歸巴東舊曰歸鄉梁置

信陵郡後周郡廢縣改曰樂新浦後周置周安郡開皇初郡廢梁山曰梁

鄉開皇末又改名焉有巫峽  
漢豐西魏改為永臨江梁置臨江郡後周置臨州開皇初郡廢有平都山有彭

寧武寧後周置南州南都郡源陽縣後改郡曰石城開皇初置懷德縣曰武寧開皇初州郡並廢入焉

庸州大業初州廢務川開皇末置

**蜀郡**

舊置益州開皇初廢後周置摠管府開皇二年置統西南道行臺省三年復置且摠管府大業元年府廢

**縣十三戶十萬五千五百八十六**

**成都**

舊置蜀郡又有新都縣梁置始

康郡西魏廢始康郡開皇初廢蜀郡并廢新繁入焉十八年改新都曰興樂大業初置蜀郡省興樂入焉舊置懷寧

晉熙宋興宋寧四郡至後周並廢有武擔山

**雙流**

舊曰黃都置寧蜀郡後周郡廢仁壽元年改縣曰雙流有

女伎

**新津**

後周置并置犍為郡開皇初郡廢大業初又廢犍道縣入焉

**晉原**

舊曰江原及置江原

郡後周廢郡縣改名焉

**清城**

舊置齊基郡後周廢為清城縣有鳴鵲山清城山

**九隴**

舊曰晉壽梁置

東益州後周州廢置九隴郡并改縣曰九隴仁壽初置濠州開皇初郡廢并隴泉興固青陽三縣入焉大業初州廢

有大山

**縣竹**

舊置晉熙郡及長揚南武都二縣後周併二道場山縣為晉熙後又廢晉熙入陽泉開皇初郡廢

十八年改為孝水大業二年改曰

**郫**

西魏分置溫江縣開皇初省入仁壽初復

置萬春縣大業初又廢入焉有金山平樂山天彭門

**玄武**

舊曰伍城後周置玄武郡開皇初郡廢改縣名焉仁

壽初置嶺州大業初雒舊曰廣漢又置廣漢郡開皇初郡廢有三堆山鄆江名廢十八年改曰絲竹大業初改名

雒焉又有西遂寧郡南陰平郡後周廢西遂寧改為懷中南陰平郡曰南陰平縣尋並廢陽安舊曰牛

改名焉并置武康郡開皇初郡廢仁平泉西魏置曰婆閏壽初置簡州大業初州廢有鹽井

名金泉西魏置縣及金泉郡後周廢郡并廢白焉牟縣入焉有昌利山銅宮山石城山

臨邛郡舊置統縣九戶二萬三千三百四十八巖道西魏

置曰始陽縣置蒙山郡開皇初郡廢十三年改曰蒙山尋置雅州大業置臨邛郡縣改名焉有邛來山

舊曰蒙山開皇十三年改始盧山仁壽依政西魏置及置陽曰蒙山改蒙山曰名山

廢臨邛舊置臨邛郡開皇初郡廢仁壽初縣改名捕溪西魏沈黎後周置黎州尋并縣廢開皇中置漢源

焉捕溪西魏沈黎後周置黎州尋并縣廢開皇中置漢源

大業初置

眉山郡 西魏曰眉州後周曰青州後又改曰眉州 統縣八戶二萬三

千七百九十九 龍遊 後周置曰峨眉山及置平羌郡開皇初郡廢九年改縣為青衣平陳曰

龍見水隨軍而進十年改平羌 後周置仍置平羌郡開皇初郡廢 夾江 開皇

名焉大業初置眉山郡 通義 舊置齊通郡及青州西魏改州曰眉州開皇初郡廢

三年 峨眉山 開皇十三年置 青神 後周置并置青神郡開皇初郡廢 丹稜 後周

改齊通曰廣通仁壽元年 置曰齊樂開洪雅 開皇十年置

隆山郡 西魏置 統縣五戶一萬一千四十二 仁壽 梁置

郡西魏改縣曰普寧開皇初郡廢十八年縣改名焉又 西魏置蒲縣大業初置隆山郡蒲縣併入焉有鹽井 貞

平 西魏置又立和仁郡後周又廢可曇平井二 井研 始

建 開皇十一年 隆山 舊曰捷為置江州西魏改縣曰隆山

置有鐵山 隆山 後周省州置隆山郡開皇初郡廢

併江陽縣入焉有

治官有鼎鼻山

**資陽郡**

西魏置資州

統縣九戶二萬五千七百二十二

盤石

後周置縣及資中郡開皇初郡廢大業初置資陽郡

內江

後周置

威遠

開皇初置

大年

開皇十三年

年置

**安岳**後周置并置普慈

後周置郡曰普慈縣曰多業

開皇初郡廢十三年縣改名

焉

**安居**後周置曰柔剛及置安居郡開

隆康

後周置曰永

皇初郡廢十三年縣改名焉

焉

**安居**

後周置曰柔剛及置安居郡開隆康

後周置曰永

皇初郡廢十三年縣改名焉

焉

焉

焉

年改

**資陽**

後周置

焉

**瀘川郡**

梁置瀘州仁壽中置

統縣五戶一千八百二

統縣五戶一千八百二

統縣五戶一千八百二

統縣五戶一千八百二

統縣五戶一千八百二

統縣五戶一千八百二

焉

**瀘川郡**

梁置瀘州仁壽中置

統縣五戶一千八百二

統縣五戶一千八百二

統縣五戶一千八百二

統縣五戶一千八百二

統縣五戶一千八百二

統縣五戶一千八百二

焉

**瀘川**

舊曰江陽并置江陽郡開皇初郡廢大業初置瀘川郡縣改名焉

富

後周置及置

富

後周置及置

焉

**江安**

舊曰漢安開皇十八年改名焉

合江

後周置

緜水

梁置有

緜水

梁置有

梁置有

焉

**捷為郡**

梁置

統縣四戶四百五十九

統縣四戶四百五十九

統縣四戶四百五十九

統縣四戶四百五十九

統縣四戶四百五十九

統縣四戶四百五十九

統縣四戶四百五十九

統縣四戶四百五十九

統縣四戶四百五十九

大業初改曰蕤捷為郡  
後周置曰武陽  
南溪梁置曰南廣及置六同郡開皇

初郡廢仁壽開邊開皇六年置七年廢訓州入焉大業初廢恭州協州入焉

越舊郡後周置嚴州開皇六年改曰西寧州十八年又改曰舊州統縣六戶七千四百

四十八 越舊郡帶印都 蘇祇舊置亮善郡開皇初郡廢有孫水可泉舊

化郡開皇初廢臺登舊置曰沙郡開皇初郡廢工部舊置印部郡又有平樂郡開皇初並廢有舊山

牂柯郡開皇初置牂州統縣二 牂柯郡帶賓化

黔安郡後周置黔州不帶郡統縣二戶一千四百六十 彭水開皇十三年置有伏牛山出益井

涪川開皇五年置

梁州於天官上應參之宿周時梁州以併雍部及漢又析

置益州在禹貢自漢川以下諸郡皆其封域漢中之人質

朴無文不甚趨利性嗜口腹多事田漁雖蓬室柴門食必  
 兼肉好祀鬼神尤多忌諱家人有死輒離其故宅崇重道  
 教猶有張魯之風焉每至五月十五日必以酒食相饋賓  
 旅聚會有甚於三元傍南山雜有僚户富室者頗參夏人  
 為婚衣服居處言語殆與華不別西城房陵清化通川宕  
 渠地皆連接風俗頗同漢陽臨洮宕昌武都同昌河池順  
 政義城平武汶山皆連雜氐羌人尤勁悍性多質直皆務  
 於農事不習獵射於書計非其長矣蜀郡臨邛眉山隆山  
 資陽瀘川巴東遂寧巴西新城金山普安犍為越嶲牂柯  
 黔安得蜀之舊域其地四塞山川重阻水陸所湊貨殖所

萃蓋一都之會也昔劉備資之以成三分之業自金行喪亂四海沸騰李氏據之於前譙氏依之於後當梁氏將亡武陵憑險而取敗後周之末王謙負固而速禍故孟門不祀古人所以誠焉其風俗大抵與漢中不別其人敏慧輕急貌多叢陋頗慕文學時有斐然多溺於逸樂少從宦之士或至耆年白首不離鄉邑人多工巧綾錦雕鏤之妙殆侔於上國貧家不務儲蓄富室專於趨利其處家室則女勤作業而士多自閑聚會宴飲充足意錢之戲小人薄於情禮父子率多異居其邊野富人多規固山澤以財物雄役夷獠故輕為姦藏權傾州縣此亦其舊俗乎又有穰挺



蠻貊其居處風俗衣服飲食頗同於獠而亦與蜀人相類

志第二十四

地理志上

隋書二十九